

M517: Freidank: Bescheidenheit (A)

- 0,1a Diz sint vrigedankes spruvhe .
0,1 Ich bin genant bescheidenheit
0,2 Div aller tvogende crone treit
0,3 Mich hat berichtet vridanc
0,4 ein teil von sinnen die sint cranc
0,5 Gote dienen ane wanc
0,6 De ist aller wisheite anevanc
0,7 Sw' vmb dise cvrze zit
0,8 Die ewige vreide git
0,9 D' hat sich selben gar betrogen
0,10 vnde cimbert vf den rege-bogen
0,11 Sw' die sele wil bewaren
0,12 D' mvz sich selben lazen varn
0,13 Sw' got minnet als er sol
0,14 Des herze ist aller tvgende vol
0,15 Sw' ane got sich wil bewarn
0,16 D' mac nvt steter eren han
0,17 Sw' got niht vurhtet alle tage
0,18 Daz wizzet de ist ein reht' zage
0,19 Swelch mensche lebet i- gotes gebote
0,20 in dem ist got . vnde er in gote
0,21 Got hohet alle gvte
0,22 vn- nideret hochgemvot
0,23 Gote ist niht v'borgen vor
0,24 er siht dvrh aller h'zen dor
0,25 ez si vbel oder gvot
0,26 swas ieman in d' viest'nisse getvt
0,27 oder in dem h'zen wirt erdaht
0,28 Daz wirt doch gar ze liehte brath
0,29 Al die werlt lon enphat
0,30 von gote als si gedienet hat
0,31 vil selten ieman missegat
0,32 Sw' sine dinc an got v'lat
0,33 vvir svln mit allen sinnen
0,34 Got vurhten vn- minnen
0,35 D' werlte drov vn- ir zorn
0,36 Jst hin ze gote gar verloren
0,37 man mvz ime flehe- vn- biten

0,38 er vurtet niemans vnsiten
0,39 Die allercleineste gotes geschafft
0,40 vertriffet aller d' werlde craft
0,41 Got geschvft nie halm sa swachen
0,42 Den ieman moge gemachen
0,43 D' engel tivvel noch d' man
0,44 Jr keines einen vloch gemachen kan
0,45 Got hat allen dingen geben
0,46 Die maze wie sie solten lebn
0,47 Got vns bezzer maze git
0,48 Danne wir ime messen ze aller zit
0,49 Die lvte snident vn- mewint
0,50 von rehte als si den acker sewint
0,51 Got kan vns gerihte geben
0,52 Als wir tvon vn- als wir lebn
0,53 Got gerichtet nach dem mvote
0,54 zv vbele vn- zv gvote
0,55 Got d' dvrch alle h'ze siht
0,56 Den mohte alle die w'lt niht
0,57 erbiten eines vnrehtes
0,58 er en wil niht tvon wan slehtes
0,59 ein cleine kint erbete n wol
0,60 Swes man iu erbiten sol
0,61 Got zweier hande willen hat
0,62 Die er uns beide wizzen lat
0,63 er tvt wol alles daz er wil
0,64 er verhenget ovch vnbildes vil
0,65 vn- richt er halbes das er mac
0,66 Die werlt stvnde niht einen tac
0,67 wolte vns got i- wizzen lan
0,68 als lange wir gesvndet han
0,69 Das sin gnade wende
0,70 so wrde s niem' ende
0,71 hete wir den hiemel zebrochen
0,72 es wrde einz tages gerochen
0,73 Die bvch sagent vns vur war
0,74 ein tac si da tvsent iar
0,75 Got alle dinc geschaffen hat
0,76 Nieman er rehte wizzen lat
0,77 was crefte in sinen dingen si
0,78 Da ist meisteil allez vvunne bi
0,79 Si iehent got habe d' w'lde gebn
0,80 Michel ere vn- senfte lebn
0,81 Doch ist ir senfte nie so groz
0,82 vnsenfte si da hvsgenos
0,83 Selten mir ie lip geschach
0,84 Mir geschehen drizzic vngemach
0,85 Die zit selde nie gewan

0,86 Da man gotes v'gizzet an
0,87 Man v'gizzet doch gotes dicke
0,88 von svzem amblicke
0,89 Got manegen dienest enphahet
0,90 Das toren gar v'smahet
0,91 Die brosem die sint gote wert
0,92 D' nieman obe den dizschen g't
0,93 wir geheisen alle gote me
0,94 Dan einer mit den w'ken erge
0,95 Dvrh svnde nieman lazen sol
0,96 er n tvo doch eteswanne wol
0,97 Niema-nes gvotat wirt v'lorn
0,98 wan d' z er helle wirt geborn
0,99 Sw' niht rehte mac gelebn
0,100 D' sol doch nach rehte streben
0,101 Got niht vnv'golten lat
0,102 Swas ieman gvotes begat
0,103 Nie kein' slachte missetat
0,104 vngerochen ovch bestat
0,105 Gotes gebot niht vbergat
0,106 wan der mensche den er geschaffe- hat
0,107 vische . wrme . vogle . vn- tier
0,108 Hant bas ir reht danne wir
0,109 Got horte moyses gebet
0,110 Da er den mvnt nie vf getet
0,111 Swes noch ein reine h'ze gert
0,112 dez wirt es ane wort gewert
0,113 Dez mvndes bete ist leid' cranc
0,114 ane des h'zen vuorgedanc
0,115 Mennegeliches gewissenheit
0,116 vor gote sine schvlde seit
0,117 Wiste got allez das geschiht
0,118 e er iht geschvfe od' wist ' s niht
0,119 Die wisen iehen er wiste wol
0,120 Daz ie was vn- geschehen sol
0,121 Got hiemel vn- erden vmberinc
0,122 Geschvf vn- dar i-ne alle dinc
0,123 Got schvf einen engel d' sit wart
0,124 ein tvoel dvrh sine hochvart
0,125 Dar nach geschvff er einen man
0,126 Die zwene nieman v'svnen kan
0,127 Got wiste ir strit wol vn- ir haz
0,128 e er si geschvfe vn- vb' daz
0,129 Geschvf si got . sw' schvldic si
0,130 Das scheide ovch got d' was dar bi
0,131 w' mac den strit gescheiden
0,132 Vnd' cristen . jvden . heiden
0,133 wan got d' si geschaffen hat

0,134 vn- alle dinc ane iema-nes rat
0,135 D' wiste wol ir aller strit
0,136 e . er si geschvofe vn- ovch ir nit
0,137 war vmb ein mensche si v'lorn
0,138 Das and' si ze gnaden erkorn
0,139 Sw' des vraget de ist ze vil
0,140 Got mac vn- sol tvon swas er wil
0,141 Swas got mit sin' geschophede tvot
0,142 Das sol vns allez dvonken gvot
0,143 was mac d' haven gesprechen
0,144 wil in sin meist' brechen
0,145 Noch minre moge wir wid' got
0,146 Sprechen . kvmt vns sin gebot
0,147 Swi d' haven vellet
0,148 vil lichte er wirt erschellet
0,149 er valle her od' hin
0,150 D' schade gat vber in
0,151 Got geschvf adamen
0,152 ane menschlichen samen
0,153 eva wart von ime genomen
0,154 Die beide sint von megede com-
0,155 Die erde was da maget gar
0,156 Da was adam von svnden bar
0,157 Die v'lorn sit ir magettvom
0,158 Die dritte maget hat megede rvm
0,159 Die crist gebar ane argen list
0,160 vn- do was maget vn- iem' ist
0,161 D' reinen megede kvscheheit
0,162 Crone ob allen megeden treit
0,163 Do adam so rein' wart
0,164 v'stozzen dvrch sin hochvart
0,165 vn- so wart vb'comen
0,166 Do hete d' tvvel niht genomen
0,167 vuor si beide dvrh den rvm
0,168 al d' werlde richtvm
0,169 Do wart crist alleine
0,170 vor allen menschen reine
0,171 D' mvoste vns wid' gewinnen
0,172 Mit gotelichen sinnen
0,173 Sw' den gelovben rehte kan
0,174 D' weiz wol wi er vns wid' gewa-
0,175 Crist vater ane mvtt' hat
0,176 vn- mvtt' ane mannes rat .
0,177 Div gebvrt criste wol gezam
0,178 Die . e . noch sit nie ma- v'nam
0,179 Got alle dinc geschaffen hat
0,180 von nihte sw' die craft v'stat
0,181 Den dvnket daz ein wnd' niht

0,182 Daz sit geschach vn- noch geschiht
0,183 Mich dvnket niht ein wnd' gar
0,184 Das ein maget crist gebar
0,185 Nieman das vuor wnd' habe
0,186 Daz crist erstvnt von dem grabe
0,187 Sw' tvon mac alles das er wil
0,188 Dem ist des vvnd's niht ze vil
0,189 Got lat vns ze allen ziten sehen
0,190 Manec grozer vvnd' wil ma- s iehen
0,191 wir sehen d' hiemele zeichen sweben
0,192 Daz die gant vmbe sam si leben
0,193 Svnne . mane . st'ren . schin
0,194 was gelichet dem vvnd' sin
0,195 von tvonrre mac ma- vvnd' sagen
0,196 er tvt das ertriche alles wagen
0,197 Got hiemel vn- erde lat zergan
0,198 vn- wil dar nach ein schoners han
0,199 So diz alles samt geschiht
0,200 So ist ez wid' d' ersten craft ein niht
0,201 Got vat' eine- svn gebar
0,202 Gedanc noch vrage horte niht dar
0,203 wie er den svn gebere
0,204 e . ie kein mvtt' were
0,205 Sin' gebvrte d' sint zwo
0,206 Die eine gebvrt ist so ho
0,207 Ane vrage vn- ane antwrt
0,208 Jst sin goteliche gebvrt
0,209 Sin menschliche gebvrt erlovbet wol
0,210 fragen vn- das man sprechen sol
0,211 Got na- an sich die menscheit
0,212 Den gebar ein maget ane alle leit
0,213 Das kint ist vnser h're crist
0,214 Der vberqua- des tvvels list
0,215 D' evam vn- adam verrit
0,216 Do er si von dem paradyse schiht
0,217 D' svn gewan vns hvlde
0,218 Nach adams schvlde
0,219 Mit sin' martel die er leit
0,220 Nv vrovwe sich al die cristenheit
0,221 das cristes tot tote vnsern tot
0,222 Svs samfte qua- wir vs er not
0,223 Jst das wir reynecliche lebn
0,224 Svnde vn- schvlde ist vns v'gebn
0,225 Die vns von h'zen rivwent
0,226 vn- sich niht wider nivwent
0,227 erbermede vnde gnaden rat
0,228 von helle vns alle erloset hat
0,229 Got hat drier slahte kint

0,230 Daz cristen . juden . heide- sint
0,231 Die hant ovch drier hande lebn
0,232 vn- iehe-t die hab in got gegeben
0,233 Die lebn sint crvmp od' sleht
0,234 Si wollent alle habn reht
0,235 was got mit den kinden tvo
0,236 Do horet niht toren frage- zvo
0,237 Si wollent ir gelovben han
0,238 Mine cristen wil ich niema- lan
0,239 Sw' mit criste wil bestan
0,240 D' mvoz ovch cristen gelovbe- han
0,241 Da vfe lige des mers grvnt
0,242 vn- die erde wem ist das kvnt
0,243 Si iehent d' hiemele d' sin dri
0,244 vn- die erde mitten dr inne si
0,245 Das ist ein michel wnder
0,246 Jst hiemel obe vn- vnder
0,247 vnde doch die erde stille stat
0,248 So d' hiemel vmbe gat
0,249 Sw' mich des bescheiden wil
0,250 Nach wane de ist ein kindes spil
0,251 Jn gotes hende es alles stat
0,252 D' alle dinc geschafen hat
0,253 Got ist geschephede harte rich
0,254 er schephet allez vngelich
0,255 An wibe od' an manne
0,256 vnd' ovgen eine spanne
0,257 hat neheines gelichen schin
0,258 wie mohte ein merre wud' sin
0,259 An stimmen m'ket wnder
0,260 Si hellent alle besvnd'
0,261 Manic hvnd't slahte blvme- stant
0,262 Die vngeliche varwe hant
0,263 Neheiner hande grvne ist gar
0,264 D' andern geliche nemt ez war
0,265 Ich weiz wol das die goteheit
0,266 So hoch ist dif . lanc . vn- breit
0,267 Daz gedanc noch mvndes wort
0,268 Mac geachten sin' wnd' hort
0,269 D' svnnen schin ist harte wit
0,270 Jr liht si allen dingen git
0,271 Des en hat si deste minre niht
0,272 Das alle die werlt von ir gesiht
0,273 Dem wvorme ist si gemeine
0,274 vn- belibet si doch reine
0,275 Die svnne schinet den divvel an
0,276 vn- scheidet si doch reine dan
0,277 Als ist swas d' prister begat

0,278 Die messe doch reine bast
0,279 Die kan nie man gewaschen
0,280 Noch bezzer gemachen
0,281 Die messe vn- d' svnnen schin
0,282 Die mvezen iemm' reine sin
0,283 D' misse wort hant soliche craft
0,284 Das alle hiemelische h'schaft
0,285 Gegen den worten nige-t
0,286 So die wort ze hiemele stigent
0,287 Man mvoz mit drin dingen
0,288 Alle messe singen
0,289 Gote ze lobe vn- ze eren
0,290 D' cristen selden meren
0,291 daz dritte ist aller selen trost
0,292 Die w'den soln von wize erlost
0,293 Z er messe dringent maneg' vuor
0,294 vnde wirt dem merre bi der tvr
0,295 ein iegelich man die messe hat
0,296 Da nach als im das herze stat
0,297 Coment hvndert tvsent dar
0,298 Jegelichem wirt sin messe gar
0,299 Sw' tvsent selen eine messe vrvomet
0,300 Jegelicher eine ganze messe cvmt
0,301 Das hvs bedorfte reine wol
0,302 Dar in crist selbe comen sol
0,303 Des pristers svnde ein ende hat
0,304 Swenn er i- engels wete stat
0,305 Jn d' messe ist er ein bote
0,306 vur alle cristen hin ze gote
0,307 hat ein h're ein hochgezit
0,308 Da man sieben trahte git
0,309 Da mac niht volle wirtschaft sin
0,310 Ane brot vn- ane win
0,311 Als sint die sieben tagesit
0,312 Di man gote ze eren git
0,313 Di sint ane d' messe craft
0,314 vor gote cleine wirtschaft
0,315 wir soln die phafheit eren
0,316 Die kan wol das beste leren
0,317 Jr helfe moge wir niht enbern
0,318 So wir d' vrone spise geren
0,319 Sw' vron' spise ze rehte geret
0,320 Swo d' ist d' ist wol geweret
0,321 Sw' ir niht ze rehte gert
0,322 Swi viel er nimt er st vngew't
0,323 Swem drier dinge not geschiht
0,324 Der bedarf vrlobes niht
0,325 Gotes lichnamen . bihte . vn- tovph

0,326 Die sint erlovbet ane covf
0,327 phaffen name ist eren rich
0,328 Doch mvoz ir lop sin vngelich
0,329 tvot ein' vbel d' ander wol
0,330 Ir lop man doch nit schelten sol .
0,331 Si soln einand' bi gestan
0,332 ze rehte das ist wol getan
0,333 Manec leige svnden me begat
0,334 Danne tvsent phaffen d' c verstat
0,335 Der phaffen schvlde ist anders niht
0,336 wan das mit wiblin geschiht
0,337 So hebent die leien manigen strit
0,338 Da viel volkes tot gelit
0,339 Ravp vn- brant die sint ir spil
0,340 Groser svnde ist harte vil
0,341 D' sich manec leige niht en schamt
0,342 Des phaffen v'lurn ere vn- amt
0,343 Got d' schephet alle zit
0,344 Niuwe selen die er givzzet vn- git
0,345 Jn menschen da si wirt v'lorn
0,346 wa v'dienet die sole gotes zorn
0,347 . e . si z er w'lde wirt geborn
0,348 Diese vrage di ist ein dorn
0,349 Cristen . jvden . heiden .
0,350 Mvgent ez sanfte niht bescheiden
0,351 wie die sele si getan
0,352 Daz seit mir nieman ane wan
0,353 ob alle sele mohten sin
0,354 Jn einer hant so en kvnde ir schin
0,355 Nieman grifen noch gesehen
0,356 wie mohte ein wnd' merres geschehen
0,357 Si iehent es si d' sele leit
0,358 Swa si d' lip ze svnden dreit
0,359 were die sele ane Schvlde
0,360 Si v'lvre niht gotes hvlde
0,361 Die sele ist ze allen stvnden
0,362 ze eime libe so gebvnden
0,363 Daz si mvozen haben phliht
0,364 Swas gvtes vn- vbels i- geschiht
0,365 Min lip von and's niht lebet
0,366 wan das ein sele dr inne swebet
0,367 wi die sele geschaffen si
0,368 Des wnders wurde ich niem' vri
0,369 wan si come od' war si var
0,370 Die straze ist mir v'borgen gar
0,371 hie en weiz ich selbe w' ich bin
0,372 Got git die sele d' nem si och hin
0,373 Div v't von mir als ein blas

0,374 vn- lat mich ligen als ein as
0,375 von vvnd' wnders vil geschiht
0,376 Die nieman grifet noch en siht
0,377 Die sele mogen wol michel sin
0,378 Si hant doch hie vil cleinen schin
0,379 D' nebel vullet wite lant
0,380 vnde wirt sin niem' volle hant
0,381 Wir mogen d' geiste niht gesehe-
0,382 Doch mvoz man in grozer crefte iehe-
0,383a von helle vn- von hiemele
0,383 Helle vn- hiemelriche
0,384 sint mir kvnt geliche
0,385 Jch weiz ein teil des hie geschiht
0,386 wie ez dort ste des en weiz ich niht
0,387 wie ez dort geschaffen si
0,388 Da ist mir alles wenen bi
0,389 Man sol miden vn- lan
0,390 Manige dinc dvrh argen wan
0,391 Maneg' an de- sterren siht
0,392 vn- seit was wnders schire geschiht
0,393 Sage mir ein dinc de ist nah' bi
0,394 was crvte i- sinen garten si
0,395 Seit er mir ze rechte daz
0,396 ich gelovbe des and'n deste baz .
0,397 Drier slahte mensche- ware- . e .
0,398 D' wirt noch wart nie me-sche me
0,399 D' eine mensche was ein ma-
0,400 D' vat' noch mvt' nie gewan
0,401 D' and' vat' nie gewan
0,402 Noch mvtt' vn- qua- doch vo- de- ma-
0,403 Div zwei wnd' grozer sint
0,404 Dan das ein maget gebar ein kint
0,405 von dem d' tvon mac alles das er wil
0,406 Gote ist nekein' craft ze vil
0,407 das tritte mensche ein wip gebirt
0,408 Daz ovch von mannes samen wirt
0,409 D' keines wart also das and' niht
0,410 Das wnd' niem' me geschiht
0,411 D' aller geschephede meist' ist
0,412 Den irret niema-s kvnst noch list
0,413 D' mag ovch wil er s g'ne sin
0,414 haben all' geschephede schin
0,415 Rein' mensche waren driv
0,416 gar ane sünde waren diu:
0,417 Adam vn- eua das dritte ist crist
0,418 D' namen niht me genennet ist
0,419 Got dvrh den menschen me-sche wart
0,420 Dem adames hochvart

0,421 verlos das hiemelriche
0,422 Da tet got genedecliche
0,423 Daz er den menschen wolte
0,424 leren wi er solte
0,425 Comen nach adams schvlde
0,426 ze sines vat' hvlde
0,427 Als lip vn- sele ein mensche ist
0,428 Messias das ist d' ware crist
0,429 Des martel loste vns alle
0,430 Nach adams valle
0,431 Got vns sinen svn gesendet hat
0,432 Dvrhc erb'mede vn- dvrh gnade- rat
0,433 Das er den me-sche lerte
0,434 wie er von svnden kerte
0,435 Sw' des niht wil gelovben han
0,436 Sa hat doch got das sine getan
0,437 Den menschen got vnsanfte lat
0,438 Den er so tivre getovft hat
0,439 Alle me-schen sint v'lorn
0,440 si n w'den dri stvnt geborn
0,441 Div mvtt' das me-sche gebirt
0,442 von tovfe ez danne reine wirt
0,443 D' tot gebirt vns hin ze gote
0,444 swie er doch si ein scharph' bote
0,445 Mir ist von manigen ma- geseit
0,446 er phlege grozer heilecheit
0,447 Als ich in sach so dvchte mich
0,448 er were ein mensche alsam ich
0,449 Nivn venst' ieslich mensche hat
0,450 von den lvtzel reines gat
0,451 Die venst' obe . vn- vnde
0,452 mvoent mich ze aller stvnde
0,453 Nehein bovm boser obez treit
0,454 Danne die bose menscheit
0,455 D' mensche ist ein boser sac
0,456 er honet manig' vvrze smac
0,457 Den menschen lvtzel erte
0,458 D' im daz ebiche vz kerte
0,459 Sw' dvrch sich selben sehe
0,460 Den divhte d' lip vil smehe
0,461 Swie schone d' me-sche vzen ist
0,462 er ist doch i-nen boser mist
0,463 Swie wir den lip trivten
0,464 er mvoz doch von den livten
0,465 Swie lieb d' mensche lebe-dic si
0,466 er ist doch nach tote vnme' bi
0,467 So schone ist niema- noch so wert
0,468 er en werde das sin niema- gert

0,469 vo- swachen samen daz me-sche wirt
0,470 Die mvtt' ez mit not gebirt
0,471 Sin lebn daz ist arbeit
0,472 Gewisser tot ist ime bereit
0,473 war vnbe wirt ez iemm' vro
0,474 ez ist als in dem vivre ein stro
0,475 Sw' driv dinc bedehete
0,476 D' v'lvre mit gotes ehte
0,477 was er was vn- was er ist
0,478 vn- was er wirt i- kvrtzer vrist
0,479 Svs spreche-t die da sint begrabe-
0,480 beide z en alten vn- zv den knabe-
0,481 "daz ir da sint daz ware wir
0,482 Das wir nv sin daz w'dent ir"
0,483 vn- lebete d' mensche iemm'
0,484 Sin lip gervowet niem'
0,485 Sin h'ze clophet alle zit
0,486 d' ademe selten stille lit
0,487 Gedanke vn- trouvme sint so vri
0,488 Si sint ofte dem mensche swere bi
0,489 Sw' nimt die mvshcat in den munt
0,490 vn- nem er n wid' vz zestunt
0,491 er dvcht en . e . geneme
0,492 vn- dar nach wid'zeme
0,493 Sint wir vns selben wid'stan
0,494 w' sol vns danne vuor reine han
0,495 e . ich nv d' spise wolte lebn
0,496 Die kinde wirt von erst gegeben
0,497 eines wildes wolves eze ich e .
0,498 Er tete mir wol od' we .
0,499 Swie we den menschen geschiht
0,500 er gelovbet doch dem ander niht
0,501 Menscheliche brodecheit
0,502 De ist d' sele h'zeleit
0,503 Manic mensche sich bekeret
0,504 Daz got von erst baz eret
0,505 einen manet stille vn- offenbar
0,506 Danne dar nach vb' zehen iar
0,507 Manic reine mensche ist so gvt
0,508 Das ez so vil dvrh got getvt
0,509 Daz ime sines lones wol vb' wirt
0,510 So vil des er doch sanfte enbirt
0,511 Daz er mac teilen swem er wil
0,512 sante pet' hat doch lones ze vil
0,513 Sin gewalt den er da hat
0,514 von hiemele biz in die helle gat
0,515 Solt er den niezen eine
0,516 So were sin ere cleine

0,517 Die richen heilegen solnt deilen also
 0,518 Daz wir noch werden mit in vro
 0,519 Div cristenheit were vbel beriht
 0,520 Genvzzen wir d' gyten niht
 0,521 Die ivden nimt des wnd' gar
 0,522 Das ein maget crist gebar
 0,523 Der mandelbovm niht dvnkel wirt
 0,524 So er blvomen vn- nvzze birt
 0,525 die svnne schinit dvrch ga-zes glas
 0,526 So gebar si crist div maget was
 0,527 Die ivden wnd't wie das si
 0,528 Daz ein got ist d' genande- dri
 0,529 Driv dinc an d' harphen sint
 0,530 holz seiten stimme ir sin ist blint
 0,531 Div svnne hat vivr vn- schin
 0,532 vn- mvoz idoch ein svnne sin
 0,533 D' kan nieman gescheiden
 0,534 Jr eines von in beiden
 0,535 Als wizzet daz die namen dri
 0,536 Ein got vngescheiden si
 0,537 Got ist als ich ez meine
 0,538 Alle dinc alleine
 0,539 Die jyden vvnd't allermeist
 0,540 Daz vat' svn d' here geist
 0,541 Ein got ist vngescheiden
 0,542 Ez wnd't ovch die heiden
 0,543 ez vvnd't ovch die sinne min
 0,544 Daz dri ein' mvozen sin
 0,545 Vn- einer dri das weiz ich wol
 0,546 Daz ich des gelovben sol
 0,547 Jch sage ivch mines gelovbe- zil
 0,548 Got d' mac tvon vn- ist swas er wil
 0,549 Crist selbe zv den ivden sprach
 0,550 Do er dez keisers mvonse sach:
 0,551 "Ir solt gote vn- dem keiser gebn
 0,552 Jr reht wolt ir rehte lebn."
 0,553 Swer cristes lere wolle sagen
 0,554 D' sol sine lere ze lihte drage-
 0,555 So mvoz d' kezere lere sin
 0,556 Jn winkelin vn- i- venst'in
 0,557 Hie sol man erkennen bi
 0,558 wie ir lere geschaffen si
 0,559 Got hat geschaffen manege- ma-
 0,560 D' glas von asche machen kan
 0,561 vn- schephet daz glas swie er wil
 0,562 Nv dvnket die kezere dez ze vil
 0,563 Daz got mit sin' geschefede tvot
 0,564 Alles daz in dvnket gvot

0,565 Si ne wollent nith gelovben han
0,566 Daz ieman nach tote moge erstan
0,567 Daz got den man geschaffen hat
0,568 De ist grozzer danne daz er estat
0,569 Swie viel d' kezere leben si
0,570 Jr keinre stat dem and' bi
0,571 Gelovbeten si alle geliche
0,572 Sie twingen alle riche
0,573 Die cristen strvchent sere
0,574 Nach d' kezere lere
0,575 Die hant so manig' hande lebn
0,576 Man mohte den heiden fride gebn
0,577 Biz man z hie geslihte
0,578 vn- genez dar nach berihte
0,579 Ob ich z vor gote gesprechen gedar
0,580 Sa dvonket mich d' ze lvzel gar
0,581 Dvrch die crist die martyr leit
0,582 Als nv lebet die cristenheit
0,583 So mac d' zehende niht genesen
0,584 Die bvch en wollen gelogen wesen
0,585 Solen kezere ivden heiden
0,586 von gote sin gescheiden
0,587 So hat tvvel daz grozer her
0,588 ez en si daz vns genade erner
0,589 Eines dinges han ich grozen nit
0,590 Daz got geliche wet' git
0,591 Cristen . ivden . heiden
0,592 D' keinez ist vz gescheiden
0,593 Got hat driv lebn geschaffen
0,594 Gebvre . ritt'e . vn- phaffen .
0,595 Daz vierde geschvf dez tivvels list
0,596 Daz dirre drier meist' ist
0,597 Daz lebn ist woher genant
0,598 Daz slindet lvte vn- lant
0,599 Dez vvochers phlvoc ist so geriht
0,600 er slaphet vn- en vivret niht
0,601 er gewinnet nahtes als viel
0,602 So tages d' ez m'ken wil
0,603 Sin gewin alles vuor sich gat
0,604 So alle div werlt rivwe hat
0,605 Swie danne ein vvcherere tvot
0,606 So wirt sin lip . sele . vn- gvt .
0,607 Jn driv geteilet so er tot gelit
0,608 Div teil belibent ane strit
0,609 Den wrmen ist d' lip beschert
0,610 Die sele dem tivvel niema- wert
0,611 Sin gvt das neme-t die he'ren gar
0,612 Die en rvche-t war die sele var

0,613 Also schiere so daz teilen geschiht
0,614 Sin teil gebe ir kein' niht
0,615 vmbe zwei d' besten teile
0,616 ob si ioch weren veile
0,617 D' tivvel hat dekeinen mvt
0,618 vffe lip . noch vffe gvt
0,619 So ist d' h're so gewert
0,620 Daz er sele noch libes niht en g't
0,621 So sint die vvorme so beriht
0,622 Si n gere-t d' sele noch des gvtes niht
0,623 Svz kan teilen des tivvels list
0,624 Daz islich teil d' liebest ist
0,625 Hochvart d' helle kvnegin
0,626 Die wil bi allen lvten sin
0,627 Swie bederbe od' bose er si
0,628 Si lat eht niemans h'ze vri
0,629 hochvart gitecheit vn\n nit
0,630 Die hant noch vaste ir erste- strit
0,631 Daz schinet an adame
0,632 Svs v'darp sin rein' same
0,633 Hochvart stiget manege- tac
0,634 Biz si niht hoher come- mac
0,635 So mvoz si danne vallen
0,636 Diz bispel saget allen
0,637 Dem tivvel nie niht lieb' wart
0,638 Danne nit . hvr . vn- hochvart
0,639 So ist des tivvels h'zeleit
0,640 Demvot . triuwe gedvltecheit
0,641 Arme hochvart de ist ein spot
0,642 Riche temvot minnet got
0,643 Hochvart v'derbet alle tvogent
0,644 So zieret zvht die edele ivgent
0,645 Hochvart vnminne gitecheit
0,646 D' iegeliches nv die crone treit
0,647 Jch weis wol daz nie hochvart
0,648 Des heiligen geistes geselle wart
0,649 Lvcifer v'stozen wart
0,650 von hiemele dvrch die hochvart
0,651 So viel man h'ren vlehen mvoz
0,652 So viel man vellet an ir vuoze
0,653 So viel man leistet ir gebot
0,654 So wenet ein tore er si got
0,655 Sw' hochvart da v'miden mach
0,656 Daz ist dem tivvel ein grozer slac
0,657 Im selben nieman an gesieget
0,658 wan d' d' werlte sich bewiget
0,659 was tvot div werlt gemeine gar
0,660 Si altet . boset . nemet es war

0,661 Div werlt git vns allen
0,662 Nach hvnge bitter gallen
0,663 Div werlt stritet sere
0,664 Nach gvte witze vn- ere
0,665 Jch weiz wol daz nie werltman
0,666 Der drier dinge gnvch gewan
0,667 z er w'lte mach niht swerre sin
0,668 Dan ein vvort daz heizet min
0,669 z er werlte niht so sweres ist
0,670 Si n betrage ze lang' vrist
0,671 D' werlte ist niht mere
0,672 wan livte gvt vn- ere
0,673 Sw' got vn- die werlt kan
0,674 behalten d' ist ein selic man
0,675 Got nieman des engelten lat
0,676 ob er d' werlde hvlde hat
0,677 Sw' vf d' erde rehte tvt
0,678 Daz tvonket ovch da ze hiemele gvt
0,679 Div tvombe w'lt trivtet
0,680 Swas man ir v'bivtet
0,681 d' w'lde ist hie vil manig' wert
0,682 Dez got ze trivte niht en g't
0,683 D' werlde lop nv nieman hat
0,684 wan d' vbeliv w'c begat
0,685 Die werlt wil nv nieman loben
0,686 er n wolle vvoten vn- toben
0,687 Sw' brandes rovbis mordes gert
0,688 vntrivwe hvres der s nv wert
0,689 Div w'lt die ist leid' so gemvot
0,690 Si nimet vuor edele cleine gvt
0,691 D' werlde manig' lachen mvoz
0,692 D' wol erkennt ir valschen grvz
0,693 Daz h'ze weinet manige stv-t
0,694 So doch lachen mvoz d' mvnt
0,695 D' lip mvz hie d' werlte leben
0,696 Daz h'ze sol ze gote streben
0,697 Je loser vn- loser . ie bos' vn- boser
0,698 Svs stat d' w'lde sin
0,699 Svs qua- si her so gat sie ovch hin
0,700 Uns ist leid' allen not
0,701 Nach svnden gnade die vns got v'bot
0,702 Nach svnde niema- rvnge
0,703 D' vns zv svnden twnge
0,704 Sw' svndet ane vorhte
0,705 Daz ist d' verworhte
0,706 Sw' ze svnden vorhte hat
0,707 Da mac d' svnden w'rden rat
0,708 wie d' die sele totet

0,709 D' sich svnde notet
0,710 Sw' svnden wil swie viel er mac
0,711 De ist libes vn- selen slac
0,712 Sw' ze svnden selde treit
0,713 Daz ist die groste vnselecheit
0,714 Sw' svnden boze i- alt' spart
0,715 D' hat die sele niht wol bewart
0,716 Nieman ist vnreine
0,717 Niewan von svnden eine
0,718 Sw' merket sine missetat
0,719 Die mine er vngemeldet lat
0,720 Sw' neme siner svnde war
0,721 D' v'swiege die vremen gar
0,722 D' rvget des andern missetat
0,723 D' selbe hvndert grozer hat
0,724 wir solten vns d' svnden schamen
0,725 Nv ist ez gar d' werlte gavmen
0,726 Swie d' man sich mac bewarn
0,727 vuor svnden d' hat wol gevarn
0,728 Swie tovgen ieman missetv
0,729 er sol doch vorhte haben dar zvo
0,730 Svnden ich selten covfen wil
0,731 D' mac ich haben v'gebene viel
0,732 Treit ieman svndelichen has
0,733 D' vert doch selten deste baz
0,734 Svnde ist svoziv arbeit
0,735 Si git idoch nach liebe leit
0,736 Dem svnde wirt ze bvze gebn
0,737 D' mohte iem' gerne lebn
0,738 ez en wart nie grozer svnde
0,739 Danne levkens vrkvnde
0,740 Rivwe ist aller svnden tot
0,741 Svs coment die svnd'e vz er not
0,742 Swa got die waren rivwe siht
0,743 Da wirt alle svnde ein niht
0,744 Swie groz si iemans missetat
0,745 Got dannoch grozer gnade hat
0,746 So wazzer vf ze b'ge gat
0,747 So mac d' svnd'e werden rat
0,748 Jch meine so z vlivzet tovgen
0,749 von me h'zen vf z en ovgen
0,750 Diz wazzer hat vil lizen vlvz
0,751 vn- horet got dvrch d' hiemele dvz
0,752 D' zaher d' von h'zen gat
0,753 D' leschet manige missetat
0,754 Die d' mvnt niht mac gesprechen
0,755 Noch d' tivvel tar gerehhen
0,756 Sw' sine svnde weinen mac

0,757 Daz ist d' svnden svnes tac
0,758 Manig' svndet vf den trost
0,759 daz d' schachere wart erlost
0,760 Von einer also kvrzen bete
0,761 Die er an me crvce tete
0,762 Hete er got iht e . erkant
0,763 er het in e . gnade gemant
0,764 Sw' vf den trost sin rivwe spart
0,765 D' vert vil lihte d' toren vart
0,766 er ist tvmp sw' hie gerihte- mac
0,767 spart er s biz an den svns tac
0,768 Sw' svnde lat . e . si in laze
0,769 Der vert d' wisen straze
0,770 Sw' svnden volget biz an den tac
0,771 Daz er niht mere svnden mac
0,772 Den lat die svnde er n lat si niht
0,773 Daz leid' livten vil geschiht
0,774 Sw' von svnden viren mac
0,775 Daz ist ein rehter viretac
0,776 Nieman tvt vnrehte
0,777 Nivwan d' svnden knehte
0,778 Sw' wol leret vn- daz selbe tvot
0,779 Daz gat den svnderen i- den mvot
0,780 Min selbes svnde ist so vil
0,781 Daz ich d' vremen niht en wil
0,782 Div wnde niem' heil wirt
0,783 Die wile daz isen dr inne swirt
0,784 Die wile ein man treit svnde- last
0,785 So ist er rehter vrovden ein gast
0,786 Div ivgent svndet dicke viel
0,787 Dez si niht svnde haben wil
0,788 So erget vil lihte dvrh s tivvels rat
0,789 ein vngewege missetat
0,790 Div grozze svnde tvt so we
0,791 Swas Svnden er hat v'gessen . e .
0,792 Mit gedanke wirt die nivwe
0,793 Jn d' waren rivwe
0,794 So claget er daz er hat getan
0,795 Des lat i- got sin hvlde han
0,796 Da hat d' tivvel selbe sich
0,797 verraten also dvnket mich
0,798 Nie kein svnde wart so groz
0,799 Si ne habe mit rivwe wid'stoz
0,800 Jst ab' daz er sich bekeret
0,801 vn- er sine gyttat meret
0,802 Swelch gyttat . e . v'dvrben was
0,803 Die grvonet her wid' als ein graz
0,804 vn- blvowet rehte als ein mandelbovm

0,805 vor gote wirt sin svnde ein trovm
0,806 Sw' mit gewalt vnrehtes gvt
0,807 erbeit als manig' tvt
0,808 dem volget alles svnde bi
0,809 Angeborner svnde ist er vri
0,810 Die werlt svndet allermeist
0,811 vf trost d' wirt selden geleist
0,812 Daz si sich bekeren wolle
0,813 D' trost zivhet hin z er helle
0,814 Sw' svndet vf den gedingen
0,815 Dem mac wol misselingen
0,816 Sw' den menschen zvondet
0,817 Mit rate daz er svndet
0,818 Div svnde vf sinem nacke lit
0,819 ze d' er sinen rat da git
0,820 vn- hat ir d' deste minre niht
0,821 von dem die svnde da geschiht
0,822 Got zwei dinc niht getvn mac
0,823 Div tvn ich wol de ist ovch min slac
0,824 Jch vinde minen tivrrn hie
0,825 Jch svnde div getet er nie
0,826 Ich sehe daz mir sanfte tvot
0,827 vil richen tvomp vn- armen frvoht
0,828 Ez ist nieman riche ane argen list
0,829 Nivwan d' g'ne arm ist
0,830 Swa riche man gewaltic si
0,831 Da sol genade wesen bi
0,832 Sw' riche ist ob er z teilen wil
0,833 D' hat iem' vrvnde vil
0,834 D' richtvom ist von selden niht
0,835 Von dem nieman gvt geschiht
0,836 Sw' sich ze einem richen man
0,837 Gesellet d' verlivset dr an
0,838 Arme vn- riche
0,839 die svche- ir geliche
0,840 Die richen vrvnt sint alle wert
0,841 D' armen vrvnde nieman gert
0,842 wirt dem man daz gvt benome-
0,843 So ist er ovch von vrvnde com-
0,844 Ein w'der man sol schone tragen
0,845 Sin armvot niht ze v're clagen
0,846 Die vrvnt vehent in zestunt
0,847 wirt in sin armvot rehte kvnt
0,848 D' riche vrvnt sol nemen v' gvt
0,849 Den dienst den ime d' arme getvot
0,850 So swache livte w'dent rich
0,851 So ist niht So vnv'tregenlich
0,852 Manig' wnschen niht v'birt

0,853 D' niem' deste richer wirt
0,854 Daz m' nie deste grozer wart
0,855 Ob ein gans das wazzers spart
0,856 Ein lant daz ere nie gewan
0,857 Saz dr inne ein riche bese man
0,858 Sw' wistvm . ere . groze richteit
0,859 Meret d' meret sin arbeit
0,860 Die gitegen vn- die richen
0,861 Sol man dem mer gelichen
0,862 Swie viel z em mere wazzers ge
0,863 ez hete doch g'ne wazzers me
0,864 Die wazzersvht vn- das mer
0,865 Hant vuor dvrst nekeine wer
0,866 vil ofte daz m' nach wazz' gat
0,867 z em brvnnen d' sin lvtzel hat
0,868 Ez bietet dicke ein richer man
0,869 Den armen das er nie gewan
0,870 Ez en ist dekein riche man
0,871 Er en mvoze an sinen kinden han
0,872 einen vient vb' zwelf iar
0,873 Ez si stille od' offenbar
0,874 Die armen dvnkent sinne bloz
0,875 Da bi d' richen witze groz
0,876 Armvt mac niht tvgende han
0,877 wan sie mac eren niht began
0,878 Arme schame de ist ein not
0,879 Div dicke machet ovgen rot
0,880 Armvot mit werdecheit
0,881 Daz ist v'borgen h'zeleit
0,882 Jst nieman witzic ane gvt
0,883 So en ist d' armen keine frvht
0,884 Hant arme livte bese site
0,885 Si v'derbent sich dar mite
0,886 Den richen walten cleine schadet
0,887 ob man sich mit holze ladet
0,888 Daz ein rich' hebt vnho
0,889 Daz machet ein armen vro
0,890 Den armen rat ihc swie sie lebn
0,891 Daz si doch gvten willen gebn
0,892 vroliche armvot
0,893 De ist groze richteit ane gvt
0,894 were aller livte sin gelich
0,895 So were nieman arm noch rich
0,896 vntrivwe in dem schinet
0,897 Sw' lachende grinet
0,898 vuor vntrivwe ist niht so gvt
0,899 So d' vngetrivweliche tvt
0,900 Ez wenet ein vngetrivwe man

0,901 Jch kvnne vntrivwe als er sie kan
0,902 Nieman sich v'svoenen kan
0,903 Mit einem vngetrivwen man
0,904 Sich svenent valsche livte
0,905 vzerhalp d' hvte
0,906 Man siht nv leider selten
0,907 Mit trivwen trivwe gelten
0,908 Swa man ein vntrivwe begat
0,909 Da ist ovch and' missetat
0,910 vnrehter gewinne
0,911 vnde vnreht' minne
0,912 vn- vntrivwen ist so vil
0,913 Daz sich ir niemen schamen wil
0,914 Jch hore genvge livte clagen
0,915 d' trivwen mvonse si v'slagen
0,916 Swa valsch vntrivwen wid'gat
0,917 Da en rvch ich weder s bezzer hat
0,918 Sw' stete an vnstete ist
0,919 Da ist ovch and' valscher list
0,920 Ez machet dicke valsch' grvz
0,921 Daz man mit valsche antwrte- mvz
0,922 Ein valsch' man mvoz iem' han
0,923 Ze vromen lvten bosen wan
0,924 Ez vlivzet manegen livten falsch
0,925 Ane cvopher dvrch den hals
0,926 Den grosten valsch den iema- hat
0,927 Den decket ein vil lihte wat
0,928 Valschiv vrivntschafft
0,929 Hat an trivwen cleine craft
0,930 Nieman eine wnde mac
0,931 verheilen da ne schine d' slac
0,932 So d' slange lat sin erste hvt
0,933 So stechent in dorne vn- crvt
0,934 So slvff er g'ne wid' in
0,935 Vn- rivet in sin tvmb' sin
0,936 Swie er danne sluffet od' gat
0,937 D' zagel iemm' bloz bestat
0,938 Als ist swer dvrch valschen rat
0,939 Getvt eine groze missetat
0,940 So er sie g'ne wid'tete
0,941 So ist sin rivwe ze spete
0,942 Swie schone er sich dar nach bewar
0,943 Man vieng'zeiget doch iem' dar
0,944 vvrde ivdas zwirnt getovft
0,945 Dannoch het er got v'covft
0,946 Swelch man drizec tvgende begat
0,947 begat er eine missetat
0,948 D' tvgende wirt v'gessen

0,949 Div missetat wirt gemessen
 0,950 Sit beide vat' vn- kint
 0,951 einand' vngetrivwe sint
 0,952 Vn- brvod' wider brvd' strebet
 0,953 Vn- mac mit mage vbele lebet
 0,954 Vn- sich die w'lt noch allesamt
 0,955 Nekeiner slahte svnde schamt
 0,956 Swie viel man trvwe brichet
 0,957 Daz die nv nieman richet
 0,958 Rovp vn- brant sint vngeriht
 0,959 Man vuorhtet kvnec noch keiser niht
 0,960 Achte vn- ban sint toren spot
 0,961 Man lat dvrch sie niht noch dvrh got
 0,962 Sit romesch ere siget
 0,963 Vn- vngelovbe stiget
 0,964 So solnt ir wizzen ane strit
 0,965 Vns cvmet schiere des flvches zit
 0,966 Sw' valsch sleht vn- hat geslagen
 0,967 Der mvoz einen andern valsch v'trage-
 0,968 Swa ein dip den andern hilt
 0,969 Da ne weiz ich weder me stilt
 0,970 D' dip getorste niht stelen
 0,971 Kvnd ' niht lovken vn- heln
 0,972 Ein ieslich dip d' weiz vil wol
 0,973 wie er d' tivbe lovkenen sol
 0,974 Vnsamphte kan ein dip v'heln
 0,975 Vor dem andern da ovch er kan steln
 0,976 Swas mit szwelve wirt v'stoln
 0,977 De ist vnsanfte ein iar v'holn
 0,978 Schvlte ein dip den and'n dip
 0,979 Daz were ir nachgebvren liep
 0,980 Mvze sol man vahn
 0,981 Diebe sol man hahen
 0,982 D' diep ist gar ane angest niht
 0,983 Swa er vil gervnen siht
 0,984 Sw' ein cleine divbe tvot
 0,985 D' stele ovch lihte ein grozer gvt
 0,986 Jch weiz wol d' reizer vn- d' diep
 0,987 Sint selten gyten lvtien liep
 0,988 Ein karg' diep mit sorgen hilt
 0,989 Swas er vf sin leben stilt
 0,990 Nieman sol des haben mvot
 0,991 Daz vvcher . rovp . v'stolen gvot
 0,992 Gote si geneme
 0,993 ez waz ime ie wied'zeme
 0,994 Swa die rittere habent pflicht
 0,995 Mit dieben des doch vil geschiht
 0,996 Des mag d' diep genesen wol

- 0,997 So man in v'teilen sol
 0,998 Jrre . wip . zeren . vn- spil
 0,999 Div machent diebe harte vil
 0,1000 Dvrh wip . vn- dvrh spieles liebe
 0,1001 wirt maneg' ze einem diebe
 0,1002 Von spile habet sich manege zit
 0,1003 flvch . zorn . schelten . swern . vn- strit
 0,1004 J ne spriche niht daz ieman tv
 0,1005 Da horet manige vntrivwe zv
 0,1006 Sin phant dikke wettes stat
 0,1007 D' sich an die vvrfele lat
 0,1008 vvrfele . Ros . vn- ved'spil
 0,1009 Hant die trivwe d' ist niht ze vil
 0,1010 spil tvt genvgen livten leit
 0,1011 Ez leret bose kvndecheit
 0,1012 Da ist lvtzel zvhte bi
 0,1013 Vn- wirt vor schanden selten vri
 0,1014 Den gvoten knehten rat ich wol
 0,1015 Jr keiner gerne vienden sol
 0,1016 er Sol ovch niht v'liesen
 0,1017 So mac man trivwe kiesen
 0,1018 Sw' g'ne vindet g'ne stilt
 0,1019 Sw' g'ne v'livset g'ne spilt
 0,1020 Mvozekeit hat das reht
 0,1021 Sie machet manigen bosen kneht
 0,1022 Mvozekeit wat v'gebene spise
 0,1023 Die machet manegen vnwize
 0,1024 Swelch h're gyten willen hat
 0,1025 vn- sinen kneht den wizen lat
 0,1026 D' kneht svndet wid' got
 0,1027 wendet er sines h'ren gebot
 0,1028 D' ovgenschalch en dienet niht
 0,1029 Nivwan da ez d' h're siht
 0,1030 Swa schalke mavtzen sint
 0,1031 Da v'derbent edeliv kint
 0,1032 Swlffe ein schalch i- zobelbalch
 0,1033 were er iemm' dr inne er ist doch ein schalch
 0,1034 D' schalch mit valle niget
 0,1035 Swann er zu hohe stiget
 0,1036 Die loser sint den herren liep
 0,1037 doch stelent sie ere alsam ein diep
 0,1038 D' loser schadet vil manigem man
 0,1039 den er niht wol rvoemen kan
 0,1040 Die iah'ren hant den mvot
 0,1041 Si lobent swas d' h're getvot
 0,1042 Diz ist ein vngetrvwer site
 0,1043 Vn- affent si doch die he'ren mite
 0,1044 Sw' zwein h'ren dienen sol

0,1045 D' bedarf gelvkkes wol
0,1046 Swa man dienst vuor dienst hat
0,1047 Da sol man dienen de ist min rat
0,1048 Swa so dienst wirt v'lorn
0,1049 Da were dienst bas v'born
0,1050 D' nivwe beseme keret vil wol
0,1051 E daz er stovbes w'de vol
0,1052 Alsam d' nivwe dienst tvot
0,1053 Vil willic ist sin erst' mvot
0,1054 Sw' vnreht wil ze rehte han
0,1055 D' mvoz vor gote ze rehte stan
0,1056 vor gote er wirt geswachet
0,1057 D' reht ze vnrehte machet
0,1058 Daz mich crvmbe dvnke sleht
0,1059 Vn- mich vnreht dvnke reht
0,1060 V'biene man mich iemer
0,1061 Dez gelovbe ich niem'
0,1062 Nv m'ket sw' vnschuldic ist
0,1063 Den kan niema-s list
0,1064 Mit keiner slahte sachen
0,1065 Vor gote schvldic machen
0,1066 Sw' witztliche dem gestat
0,1067 D' vnrechte criege hat
0,1068 Swas svnde mac dar vmbe ergan
0,1069 Die mvoz vf siner sele stan
0,1070 Jch warte ie wa-ne vnreht zerge
0,1071 So wirt sin ie me vnde me
0,1072 Wir wnschen alters alle tage
0,1073 So z danne kvmt so ist z nivan clage
0,1074 Alter bringet arbeit
0,1075 Minne senede herzeleit
0,1076 Alt' livte minne hat
0,1077 Dri rivwe swi z ergat
0,1078 Jn rivwet daz er s covfen mvz
0,1079 Jn rivwet ir vnw'der grvz
0,1080 Jn rivwet swenn er sich z v'stat
0,1081 Daz er die sele v'svndet hat
0,1082 Sw' dem alter vn- d' ivgent
0,1083 Jr reht behaltet de ist ein tvge-t
0,1084 Die ivgent ie nach vrovde- strebt
0,1085 Mit sorgen witze vn- alt' lebt
0,1086 Die alten senent sich nach d' ivge-t
0,1087 Die ivnge- vvnsche-t alt' tvgent
0,1088 Swa man lobet die alten site
0,1089 Da schiltet ma- die nivwa- mite
0,1090 Dez ivngen lob sich meret
0,1091 Swenn er den alten eret
0,1092 So ivnc ist nieman noch so alt

0,1093 D' sin selbes habe gewalt
 0,1094 Sw' sinz mvndes hat gewalt
 0,1095 D' mac mit eren w'den alt
 0,1096 Ein tvgent minnet die and' tvoge-t
 0,1097 Als tvot ein ivge-t die and' ivgent
 0,1098 Beide in alt' vn- in ivgent
 0,1099 Zimt niht so wol so zvht vn- tvge-t
 0,1100 Scham de ist ein groze tvgent
 0,1101 Sie bezzert alt' vn- ivgent
 0,1102 Div ivgent nieman mag gezame-
 0,1103 Si n en welle sich ovch selbe schame-
 0,1104 Sw' sich lvge niht en schamt
 0,1105 D' hat ein vngetrivwes amt
 0,1106 Sw' lebet ane ere vn- ane scham
 0,1107 D' en rvchte were al d' w'lte sam
 0,1108 Swa von iema- sin eren hat
 0,1109 Schamt er sich des de ist missetat
 0,1110 Man siht sich viel d' lvte schamen
 0,1111 Jr ere vn- ir besten namen
 0,1112 Ez ist lvtzel namen ane schame
 0,1113 wan herren vn- vrovwen name
 0,1114 Vohrte machet levwen zam
 0,1115 eren besem daz ist Scham
 0,1116 Ez schat vohrte lose ivgent
 0,1117 So ist nieman edele ane tvgent
 0,1118 Sw' ane vorhte wirt erzogen
 0,1119 An dem ist manic tvgent betrogen
 0,1120 Nieman sol sine lvte lan
 0,1121 ane vorhte well er ere han
 0,1122 alle ere zergat
 0,1123 Die noch zvht noch meist' hat
 0,1124 Von zvchten nie kein man v'darp
 0,1125 Vnzvht dicke schande erwarp
 0,1126 Sich mac mit manegen sachen
 0,1127 ein man wol veige machen
 0,1128 D' niht veige were
 0,1129 Ob er vnzvht verbere
 0,1130 Sw' bosem mvte wid'stat
 0,1131 Div tvgent vor allen tvgenden gat
 0,1132 Sw' tvogende hat d' ist wol geborn
 0,1133 Ane tvgent ist edele gar verlorn
 0,1134 D' man si eigen od' vri
 0,1135 Sw' von gebvrte niht edele si
 0,1136 D' sol sich edel machen
 0,1137 Mit tvgentlichen sachen
 0,1138 Sw' die svnne wil erstrichen
 0,1139 D' sol nit sanfte slichen
 0,1140 Man mag i- kvrtzer wilen

0,1141 Vnsanfte tvgende erilen
 0,1142 Swelch ved'spil ist ane cla
 0,1143 Da gestriche ich niem' na
 0,1144 Min h'ze niem' dar gestrebet
 0,1145 Da man ane tvgende lebet
 0,1146 Sw' blinden winket d' ist ein govch
 0,1147 Mit stvmme- rvnet der st ez ovch
 0,1148 Dem blinden ist mit drovme wol
 0,1149 Wachende ist er leides vol
 0,1150 Ein blinde gebe sin griphen niht
 0,1151 Vmb daz sin beste vrvnt gesiht
 0,1152 Maneg' hat d' ovgen niht
 0,1153 Dez herze doch vil wol gesiht
 0,1154 Vvie sol d' blinde sich bewarn
 0,1155 wil sin geleite vnrechte varn
 0,1156 Swa blinde gat dem and'n vor
 0,1157 Die vallent lihte beide in z hor
 0,1158 Dez honigez svzze erdrivzet
 0,1159 So man s ze vil genivzet
 0,1160 Nv seht daz hvnc swie svoz ez si
 0,1161 Da ist doch lihte ein angel bi
 0,1162 Dez hvnigez svoze were vil gvt
 0,1163 wan daz vil we d' angel tvt
 0,1164 So satez kint niht ezzen mac
 0,1165 So vnmeret im des hvniges smac
 0,1166a von mi-ne vn- von gewi-nen .
 0,1166 Uf minne vn- vf gewinne
 0,1167 Stant al d' werlte sinne
 0,1168 Noch svozer sint gewinne
 0,1169 Danne kein' slahte minne
 0,1170 Vil liep sint wip vn- kint
 0,1171 Gewinne michels lieb' sint
 0,1172 So d' man ie me gewinnet
 0,1173 So er daz gvt ie serer minnet
 0,1174 Dez ma-nes sin
 0,1175 ist sin gewin
 0,1176 Swar ie des mannes h'ze stat
 0,1177 Daz ist sin hort den er da hat
 0,1178 Nieman wolte sinen mvot
 0,1179 Gerne wehselen vmb gvot
 0,1180 Sw' richet an me gvote
 0,1181 D' armet an dem mvote
 0,1182 Daz gvot mac wol heizen gvt
 0,1183 Da man mite rehte tvot
 0,1184 Nieman d' ze h'ren zimt
 0,1185 D' sin gvt ze herren nimt
 0,1186 Swelch man ist des gvtes knet
 0,1187 D' hat iemm' schalkez reht

0,1188 Nach gvote wirbet manic man
 0,1189 Vn- wirt dem dem er s vbel gan
 0,1190 Sanfte gewinnen gvt
 0,1191 Machet vberigen mvot
 0,1192 Daz gvt sich niht v'heln kan
 0,1193 ez sprichet ofte vz dem man
 0,1194 Man eret daz gvt an manige- ma-
 0,1195 D' tvgent noch ere nie gewan
 0,1196 Man eret ovch leider richen knet
 0,1197 Vor armen h'ren ane reht
 0,1198 Man vraget cleine an dirre zit
 0,1199 Wie man z gvt gewinne ob man z git
 0,1200 Maniger rehent des andern gvot
 0,1201 D' selten wol mit sinem tvot
 0,1202 Nieman rielt' wesen mac
 0,1203 Drizzec iar vn- einen tac
 0,1204 Jm gebreste . e . gvtes
 0,1205 libes od' mvotes
 0,1206 D' man ist ellende ane gvt
 0,1207 Swaz er kan od' tvt
 0,1208 Nekeines gvtes ist ze viel
 0,1209 Mit dem man gvt tvn wil
 0,1210 Sw' gvt mit not gevvnne hat
 0,1211 De ist wnd' ob er s sanfte lat
 0,1212 Ze gvote maniger witze hat
 0,1213 D' sich ze eren niht verstat
 0,1214 Man sol nach gvote werben
 0,1215 Sam niema- sol ersterben
 0,1216 vn- sol ez danne mit volle gebn
 0,1217 Sam niema- solle eine woche lebn
 0,1218 Rost izzet stahel vn- isen
 0,1219 Als tvt sorge den wisen
 0,1220 Sorge machet grawiv har
 0,1221 Svs altent ivngen ane iar
 0,1222 Ez en wart nie kvnic noch kvnegin
 0,1223 Die ane sorge mohten sin
 0,1224 Ane sorge nekei- man mac
 0,1225 Geleben einen ganzen tac
 0,1226 D' vrome sorget sere
 0,1227 vmbe livte gvt vn- ere
 0,1228 D' minnere vmbe minne
 0,1229 D' gitege vmb gewinne
 0,1230 D' tore sorget alle tage
 0,1231 wie er brie genvc beiage
 0,1232 Mich grvzent iem' sorgen
 0,1233 z em ersten an den morgen
 0,1234 Dem morgen sorget me-eglich
 0,1235 So ist d' abent vroudenrich

0,1236 Hete ein abent des er gert
0,1237 er were tvsent morgen wert
0,1238 Sw' sant vn- ovch den st'renschin
0,1239 wil zeln d' mvoz vnmvozzic sin
0,1240 Den sichen horet d' arzat
0,1241 Die gesvnden tvnt sin lihte- rat
0,1242 Arzete geliche hellent
0,1243 So glocken gliche schellent
0,1244 Ein sicher arzat nert sich
0,1245 Michels g'ner danne mich
0,1246 Vunt ich so wisen artzat
0,1247 Zv dem svcht ich g'ne rat
0,1248 D' dvrh die livte kvnde sehen
0,1249 Dem wolt ich meist'schefte iehen
0,1250 Dem sichen kvmt daz selten wol
0,1251 ob in d' artzat erben sol
0,1252 Er lat in lihte sterben
0,1253 wenet er sin wip erwerben
0,1254 Einthabvnge ist d' beste list
0,1255 d' an den artzatbvchen ist
0,1256 Dem libe hilf ich allen tac
0,1257 Dem nieman doch gehelfen mac
0,1258 Die sele laze ich vnd' wegen
0,1259 Daz hvlfe wolte r ieman phlegen
0,1260 Div nidegen herzen
0,1261 Gewinnent manigen sm'zen
0,1262 Nit duot nieman h'zeleit
0,1263 Wan im selben d' in treit
0,1264 Gel grvne weiten
0,1265 daz sol die nitvarwe sin
0,1266 Swa ein dorf ist ane nit
0,1267 Jch weiz wol daz ez ode lit
0,1268 Nieman mac ze lang' zit
0,1269 Groz ere haben ane nit
0,1270 Sw' allez daz wil rechen
0,1271 Daz man vbels kan gesprechen
0,1272 D' wirt selten ane nit
0,1273 Vn- ane vnwegen strit
0,1274 Sich hvb nit vnde strit
0,1275 ze hiemele bi d' ersten zit
0,1276 Da von ist ez ein wnd' niht
0,1277 Ob vf d' erde ovch strit geschit
0,1278 Merket sw' sich selbe lobet
0,1279 Ane volge daz er tobet
0,1280 Min eines loben de ist ein wiht
0,1281 Volgen ez ander livte niht
0,1282 Sich selben nieman loben sol
0,1283 Sw' vrom ist den gelobet man wol

0,1284 Sw' sich lobet alleine
0,1285 Des ere ist g'ne cleine
0,1286 Werltlich lob ie selten wart
0,1287 Ane losen vn- ane hochvart
0,1288 Man lobet nach tote manegen man
0,1289 D' lob ze r werlte nie gewan
0,1290 Manig' lobet ein vromede swert
0,1291 het er s da heime ez were vnwert
0,1292 Sw' lob i- sinem lande treit
0,1293 Daz ist die groste w'decheit
0,1294 Ein ieslich man wol lop v'treit
0,1295 Schelten ist in allen leit
0,1296 Sw' div w'lt mit eren hat
0,1297 D' ist ze lobene ob er sie lat
0,1298 Swez ist ze lvtzel od' ze vil
0,1299 Neweders ich da loben wil
0,1300 Genvc ist bezzer danne ze viel
0,1301 Da man z ze rehte m'ken wil
0,1302 Man horet nv vil maneges loben
0,1303 daz man . e . hete vuor ein toben
0,1304 Swas man lobet an dem man
0,1305 da keret er sinen vliz an
0,1306 Da lobe ich niemanz schallen
0,1307 Da man sich mag ervallen
0,1308 Mines viendes mvnt
0,1309 Lobet mich ze keiner stvnt
0,1310 Vn- ist daz er mir gvotes giht
0,1311 De ist doch i- sinem herzen niht
0,1312 Ez si dvrh warheit od' dvrh haz
0,1313 Man lobet nv nieman ane ein daz
0,1314 Nieman sol zv lang' vrist
0,1315 lobn daz zv scheltene ist
0,1316 Ez vindet an im ein ieslich man
0,1317 Ze scheltene gnvc d' c m'ken kan
0,1318 Manic schelten er verbere
0,1319 D' m'kete wer er were
0,1320 Sw' niht wizze w' er si
0,1321 D' schelte sin' gebvre dri
0,1322 wollent ez die zwene v'tragen
0,1323 D' dritte kan ez wol gesagen
0,1324 Sw' schiltet wid' schelten
0,1325 D' wil mit schanden gelten
0,1326 Niht dinges ist so gvot
0,1327 Man schelt es wol d' c g'ne tvot
0,1328 Sin lant nieman schelten sol
0,1329 Noch sinen herren das stat wol
0,1330 Nieman mag sich lvge erwern
0,1331 Noch vor schelten wole erwern

0,1332 Nieman d' beschelten kan
0,1333 D' ere selbe nie gewan
0,1334 Sw' sich lat an schelten
0,1335 D' mag es wol engelten
0,1336 Sw' sich scheltens wil began
0,1337 D' mvz d' nasen angest han
0,1338 Vn- d' zvngen div z da sprichet
0,1339 An den beiden man z da richet
0,1340 wir schelten alle ein and' lebn
0,1341 Biz daz wir in den hvnden sweben
0,1342 Jch schelte niht swas ieman tvot
0,1343 Machet er daz ende gvot
0,1344 Nv wizze-t daz gesellen dri
0,1345 vor hazze niem' werdent vri
0,1346 Swer den man erkennen wolle
0,1347 D' werde sin geselle
0,1348 Ez en hat dekein geselleschaft
0,1349 Mit vngelichem mvte craft
0,1350 Des gesellen get ich niht
0,1351 D' varet ob er mich strvchen siht
0,1352 Daz er mich nid' drvcke
0,1353 Vn- niem' vf gervcke
0,1354 Svoziv rede senftet zorn
0,1355 Sw' rehte tvot d' ist wol geboren
0,1356 Dez mannez witze ein ende hat
0,1357 Swenne in grozir zorn bestat
0,1358 Sw' i- zorne ist wol gezogen
0,1359 Da hat tvogent vntvogent betrogen
0,1360 D' tvmbe i- zorne richet
0,1361 D' wise sich besprichet
0,1362 Er ist tvmp sw' richet sinen zorn
0,1363 Da von er selbe wirt v'lorn
0,1364 Sw' in zorne vraget w' er si
0,1365 Da sint niht gvte witze bi
0,1366 Jn zorne sprichet lihte ein man
0,1367 Das wirste das er danne kan
0,1368 Gelvst . nit . hochvart . vn- zorn
0,1369 Die sint vns leid' an geboren
0,1370 H'zelieb' vrvnde zorn
0,1371 D' wirt schiere v'born
0,1372 Sw' sin leit also richet
0,1373 Daz er sich selbe erstichet
0,1374 D' hat sich vbele gervchen
0,1375 Daz er sich selben hat erstochen
0,1376 Sw' mir ze leide schendet sich
0,1377 Daz gerivwet in . e . danne mich
0,1378 sanfte ze tragene ist daz leit
0,1379 Daz ein man von schvlden dreit

0,1380 Daz leit dem h'zen nahe gat
0,1381 Daz man vnverdienet hat
0,1382 Swas mir allerleidest ist
0,1383 Da vuor kan ich keinen list
0,1384 J ne mvoze dr ane gedenken
0,1385 Des en kan ich niht entwenken
0,1386 ez dunket mich ein tvomb' mvot
0,1387 Sw' im selben schaden tvot
0,1388 Sinem nachgebvre ze leide
0,1389 ez gervwet si lihte beide
0,1390 Vroude vn- h'zeleit
0,1391 Nieman mit einand' treit
0,1392 Man lidet grozer arbeit
0,1393 Dvrh die helle vn- grozer leit
0,1394 Danne dvrh daz hiemelriche
0,1395 Vn- lonent doch vngeliche
0,1396 Z er helle drie straze gant
0,1397 Die ze allen ziten offen stant
0,1398 D' ist eine sw' v'zwivelot
0,1399 D' sele ist ewecliche tot
0,1400 Div and' ist swe' vbele tvt
0,1401 Vn- er sich dannoch dvnket gvot
0,1402 Div dritte ist so breit vn- so geb't
0,1403 Daz sie div w'lt gemeine vert
0,1404 Man gewinnet daz hiemelriche
0,1405 Jn dri wis vngeliche
0,1406 Ein' ez mit gewalt hat
0,1407 D' sich selben varn lat
0,1408 D' and' sich ze hiemele stilt
0,1409 Der gvt ist vn- sere hilt
0,1410 D' dritte covfet ez ane strit
0,1411 D' eigen vmb almvsen git
0,1412 Den divvel twinget manic man
0,1413 Mit gotes Worten d' div kan
0,1414 daz er mvoz sprechen vn- seit
0,1415 Sine schande vn- sin h'zeleit
0,1416 Dvrh vorhte ein wild' slange gat
0,1417 Zv den livten da er sich vahn lat
0,1418 Dvrch vorhte ein swert v'midet
0,1419 Daz es nieman v'snidet
0,1420 Dvrhc wort ein isen niema- mac
0,1421 V'brennen glvot es allen tac
0,1422 Disi wort sint als ein wint
0,1423 wid' den die in d' messe sint
0,1424 Daz ich den tivvel vn- den tot
0,1425 Mvz vorhten de ist groze not
0,1426 Vn- ich ir deweders nie gesach
0,1427 Vn- vurhte doch ir vngemach

0,1428 Jch mvoz ir beid' angest han
0,1429 Vn- en weiz doch wie si sint getan
0,1430 D' tivvel keret nekeinen list
0,1431 Nach dem d' sin eigen ist
0,1432 Sw' sinen w'ken wid'stat
0,1433 Dar keret er list vn- argen rat
0,1434 Des tivvels trivwe gat noch vuor
0,1435 . E . ieman dienst hin ze im v'lure
0,1436 Vn- stvnd es vb' tvsent iar
0,1437 Er v'ges ez niem' vmb ein har
0,1438 D' tivvel hat dvrh sinen spot
0,1439 Manigern mertelere danne got
0,1440 Den samen kan d' tivvel gebn
0,1441 Man velschet alle rehte lebn
0,1442 Sw' vnd' wolven schaf ist
0,1443 D' hat betrogen des tivvels list
0,1444 D' mich vn- alle div werlt geschvf
0,1445 D' horet gedenke sam den rvf
0,1446 D' tivvel weiz gedenke niht
0,1447 Wan als er an den w'ken siht
0,1448 ob d' tivvel were .
0,1449 d' w'lt rihtere
0,1450 d' rihte baz als ich mich kan v'stan
0,1451 Danne noch die rihtere hant getan
0,1452 D' tivvel rihtet ane argen list
0,1453 Als im von gote erlovbet ist
0,1454 Got mohte den tivvel niem' baz
0,1455 Gehonen do er so hohe saz
0,1456 Danne daz die brode menscheit
0,1457 Die er v'riet da crone treit
0,1458 So d' tivvel niht erwenden kan
0,1459 Gvte w'c an manigen man
0,1460 So keret er manegen list dar zv
0,1461 Vn- ratat das er s so viel getv
0,1462 Daz er s niht moge v'enden
0,1463 Svs kan er toren schenden
0,1464 Swa mensche i- gvotem lebene ist
0,1465 Dar keret d' tivvel manigen list
0,1466 Wie er n vnstete gemache- moge
0,1467 Sa mit gedanke sa mit lvge
0,1468 er sendet im iesa i- dem mvot
0,1469 Daz in sin lebn niht dvonke gvt
0,1470 So beginnet so sin h'ze streben
0,1471 von einem lebene i- and' lebn
0,1472 Als er danne vnstete wirt
0,1473 So ist er hie vn- dort verirret
0,1474 Driv dinc niht gesaten kan
0,1475 Die helle vivr vn- gitegen man

0,1476 Daz vierde gesprach nie "genvc"
 0,1477 Swie viel man im zv getrvc
 0,1478 Mir sint stetecliche bi
 0,1479 vil starker vinde dri
 0,1480 Div werlt vn- des tivvels list
 0,1481 Min h'ze d' tritte vint ist
 0,1482 Wan das wachet alle zit
 0,1483 So d' lip mit slafe lit
 0,1484 Dez h'zen ovge hat nith bant
 0,1485 Ez siht in z m' dvrh alle lant
 0,1486 Dvrh den hiemel vn- dvrh die helle nid'
 0,1487 Siht ez vn- cvmt doch schiere wid'
 0,1488 Die vns gvt bilde solten gebn
 0,1489 d' velsche-t viel ir selb' lebn
 0,1490 Die hohesten tragent vns bilde vor
 0,1491 Die manegen leitent i- daz hor
 0,1492 Swes lebn ist wandelbere
 0,1493 Des lere wirt lichte vmnere
 0,1494 Man volget michel mere
 0,1495 Eines gvtes mannes lere
 0,1496 Danne zehene die wol lere-t
 0,1497 Vn- selbe ir reht v'kerent
 0,1498 Jch weiz wol daz die horwige ha-t
 0,1499 Machet selten wis gewant
 0,1500 Wem mac d' lvt' wasser gebn
 0,1501 Den man siht in d' hvlwe sweben
 0,1502 Sw' ramic si d' wasche sich
 0,1503 Vn- wasche danne mich
 0,1504 Sw' des tivvels w'c begat
 0,1505 Vnde des hel niht en hat
 0,1506 Den han ich vuor ein engel niht
 0,1507 Swas mir dar vmb geschiht
 0,1508 Sw' ein engel wolle sin
 0,1509 D' tvo z ovch mi den w'ken schin
 0,1510 wie mag d' gelovben iht
 0,1511 d' im selben gelovbet niht
 0,1512 Swanne ich des weges irre gan
 0,1513 Sege ich tvsent blinden da stan
 0,1514 Stat ein gesehend' da bi
 0,1515 den vrage ich wa die straze si
 0,1516 Giengen hvndert toren vor
 0,1517 Vn- vielen s alle i- ein hor
 0,1518 Ein wiser man sol vmb gan
 0,1519 Vn- sol si alle liegen lan
 0,1520 Sw' die gvte lere gebe
 0,1521 Vn- selbe iht gebedcliche lebe
 0,1522 Da nemt ir gvt bilde bi
 0,1523 Vnde rvchent wie d' and' si

0,1524 Div kerze licht den lvtten birt
 0,1525 Biz daz si selbe ze asche wirt
 0,1526 Genvge gebe lere gebent
 0,1527 Die selbe vngebecliche lebnt
 0,1528 We dem ovgen daz gesiht
 0,1529 Einem andern vn- im selben niht
 0,1530 was vromet das ovge keine- man
 0,1531 da mit er n'ht gesehen kan
 0,1532 Strvchet d' dir z liht da treit
 0,1533 Das ist dem nachgenden leit
 0,1534 Sw' daz vivr erkenne
 0,1535 D' hvte das in niht brenne
 0,1536 Sw' niht kan von erden sagen
 0,1537 d' mag d' hiemele wol getagen
 0,1538 Manig' an den st'ren siht
 0,1539 Vn- seit was wnders schiere geschiht
 0,1540 Sage mir ein dinc de ist naher bi
 0,1541 waz crvtes in sinem garten si
 0,1542 Seit er mir ze rehte daz
 0,1543 Jch gelovbe eins anderen desten baz
 0,1544 Mich dvrstet ze tegelich' zit
 0,1545 Da mir nieman trinken git
 0,1546 So svche ich lvt' brvnnen . e .
 0,1547 dann ich zv den trvben ge
 0,1548 Lant vn- lute girrent sint
 0,1549 Swa d' kvnec ist ein kint
 0,1550 Vn- sich die vurstun vlizent
 0,1551 daz si vrvo enbizent
 0,1552 Jn kvniges rate niema- zimt
 0,1553 D' gvot vuor s riches ere nimt
 0,1554 Ein h're niem' kan genesen
 0,1555 Wellent im die sinen vrient wese-
 0,1556 ez en wart nie kvnec noch kvnegi-
 0,1557 Die ane sorge mohten sin
 0,1558 D' vurstun herze vn- ovch ir lebn
 0,1559 Erkenn ich bi den ratgebn
 0,1560 Der wise svchet wise rat
 0,1561 D' tore sich nach toren hat
 0,1562 Ein wiser h're g'ne hat
 0,1563 Witen vrvnt vn- engen rat
 0,1564 Man m'ket bi me rate wol
 0,1565 Wie man den h'ren loben sol
 0,1566 Ein vurst mac wol genesen
 0,1567 Wil er ze rehte meist' wesen
 0,1568 D' herren lere ist leid' crvmp
 0,1569 Da von ist witze wrden tvmp
 0,1570 Die vuorsten hant d' esele art
 0,1571 Sie tvnt dvorch niema- ane gart

0,1572 Maneg' dvrch sine missetat
0,1573 Sines knehtes knet ze h're- hat
0,1574 Jne weiz niend' vuorsten dri
0,1575 D' einer dvrch got vurste si
0,1576 Ich weiz wol daz d' vurste- kint
0,1577 Den alten erben vient sint
0,1578 D' vuorsten ebenhere
0,1579 storet noch des riches ere
0,1580 Sw' mit den vuorsten wil genesen
0,1581 D' mvoz ein losere dicke wesen
0,1582 Od' ab' lange sin ein gast
0,1583 Sin dienst vervahet and's niht ein bast
0,1584 So d' wolf mvzen gat
0,1585 Vn- d' valke keveren vaht
0,1586 Vn- d' kvnec bvrge machet
0,1587 So ist ir ere geswachet
0,1588 Moht ich wol minen willen han
0,1589 Jch wolte dem keisere daz riche lan
0,1590 So eben nie kein kvnec gesaz
0,1591 Jm vvrre dannoch etswaz
0,1592 Manig' lebt mit eren
0,1593 Dem ich daz hore v'keren
0,1594 Nieman doch gevelschen mac
0,1595 Gotes wort vn- liechten dac
0,1596 ob ez d' keiser solte swern
0,1597 Er en kan mvkken sich niht erwern
0,1598 Was hilfet h'schaft vn- list
0,1599 Sit daz d' vloch sin meist' ist
0,1600 D' keiser sterben mvz als ich
0,1601 Dez mac ich wol genozzen mich
0,1602 Swelch h're sterben mvz als ich
0,1603 waz mohte d' getrosten mich
0,1604 So mich dazbiever an gat
0,1605 Vn- in d' zansw' bestat
0,1606 Vn- er newedern mac ernern
0,1607 Dem wil ich selten hvlde swern
0,1608 Dez eigen wolt ich gerne sin
0,1609 D' svnnen giht so liechten schin
0,1610 Sw' alle dinc weiz . e . si geschen
0,1611 Dem h'ren sol man tvgende iehn
0,1612 Von dem ich daz beste hore sagen
0,1613 Dez waffen wolt ich g'ne tragen
0,1614 Ez en hat nieman eigenschaft
0,1615 Nivwan got mit siner craft
0,1616 Lip . sele . ere . vn- gvot
0,1617 De ist allez lehen swie man tvot
0,1618 Seit ich die warheit alle zit
0,1619 So vund ich manigen wid'strit

0,1620 Dar vmb mvz ich dicke tagen
0,1621 Man mac ze vil des waren sagen
0,1622 Seeit ich halbes daz ich weiz
0,1623 So mvost ich bwwen vromede- creiz
0,1624 Sw' die warheit vurhte
0,1625 Vn- die ze rehte rvrte
0,1626 Die hohesten teten im den tot
0,1627 Die brechent swas in got gebot
0,1628 Merket wie div w'lt nv ste
0,1629 Man siht nv lvtzel rehter e .
0,1630 Vn- neme ein h're ein wip dvrch got
0,1631 Daz were nv and' herren ein spot
0,1632 Sw' wibes gert d' wil zehant
0,1633 Livte . schaz . bvrge . vn- lant
0,1634 Swelch . e . dvrch gitecheit geschiht
0,1635 Die machet rehter erben niht
0,1636 Manic groze herschaft nv zergat
0,1637 Daz sie nit rehter erben hat
0,1638 D' rehten lebn ist niht me
0,1639 Wan driv ich meine die rechte- . e .
0,1640 Magettvm vn- kvscheheit
0,1641 Jr ist niht me was ieman seit
0,1642 Tivsche lant sint rovbes vol
0,1643 Gerihte . voget . mvnze vn- zol
0,1644 Die wrden . e . dvrch got erdacht
0,1645 Nv sint sie gar ze rovbe braht
0,1646 Swas ieman gvotes vf geleit
0,1647 Ze bezzerne die cristenheit
0,1648 Die hohesten vn- die heresten
0,1649 Die brechent ez z em ersten
0,1650 Die vuorsten twingent mit gewalt
0,1651 velt . steine wazzer vn- walt
0,1652 Dar zv wilt vn- zam
0,1653 Si teten lvfte g'ne alsam
0,1654 D' mvz vns doch gemeine sin
0,1655 Mohten s vns d' svnnen schin
0,1656 v'bieten . wint . vn- regen .
0,1657 Man mvze - zinz mit golde wegen
0,1658 Doch mohten si alle bilde nemen
0,1659 Das vliege- mvcken . vlohe . breme-
0,1660 si mvwe-t als ein armen man
0,1661 D' nie schatz noch lant gewan
0,1662 Jr h'schaft dvnket mich ein wint
0,1663 Sit bose wrme ir meist' sint
0,1664 Mich dvnket solte ein islich man
0,1665 Gvt nach sinen mvte han
0,1666 So wrde manec herre knet
0,1667 Manec knet gewnne ovh h'ren reht

0,1668 Als ich div werlt erkenne- kan
0,1669 So ne weiz ich keinen richen man
0,1670 Daz ich sin gvot vn- sinen mvt
0,1671 Wolte habn swie er tvot
0,1672 Sw' in die sewe wazz' treit
0,1673 Daz ist ein v'lorn arbeit
0,1674 Die wazz' nirgen densent
0,1675 Wan da si ovch sere vliezent
0,1676 Swelch h're lvte vng'ne siht
0,1677 D' hat ovch ere schalles niht
0,1678 Sw' nieman getar v'zihen
0,1679 D' mvz gebn vn- lihen
0,1680 Sw' alles mvoz ermieten
0,1681 S' mac niht viel gebieten
0,1682 So rich' kvnic nie crone getrvoc
0,1683 Er n hete doch arm' mage genvoc
0,1684 Got hat den wisen sorge gebn
0,1685 Da bi den toren senfte lebn
0,1686 Ez en hat nieman wisen mvt
0,1687 Nivwan d' gotes wille tvt
0,1688 Die wisen w'dent gotes kint
0,1689 Die andern alle toren sint
0,1690 Dekeine wisheit niht v'vahet
0,1691 Nivwan ob d' sele wirdet rat
0,1692 Sin selbes sin er meret
0,1693 D' wisheit g'ne leret
0,1694 Sw' niht weiz vn- niht en vraget
0,1695 Vn- niht en kan vn- lerne-s betraget
0,1696 Vn- die kvnst die er da kan
0,1697 Ze lernene nieman en gan
0,1698 Vn- hazzet den d' rehte tvt
0,1699 dise vierv sint toren mvt
0,1700 Vrage vn- wise lere
0,1701 Die wegent michel ere
0,1702 Swi vil d' wise witze git
0,1703 Er ist doch rich' ze aller zit
0,1704 Daz nieman wisheit erbe- mag
0,1705 Noch kvnst de ist ein groz' slac
0,1706 Swa witze ist ane selecheit
0,1707 Da ist nivwan h'zeleit
0,1708 Die wisen kvnnent manige- list
0,1709 d' vromede tvmben lvtten ist
0,1710 Die wisen maniges irret
0,1711 Daz toren lvtzel wirret
0,1712 Wisheit vb'windet vbel
0,1713 Also twinget vas d' tvbel
0,1714 Daz er niht rinne ze aller zit
0,1715 Witze scheidet manegen strit

0,1716 Diz sagent vns die wisen
0,1717 “Ein nagel beheltet ein isen
0,1718 Ein isen ein ros . ein ros ein man
0,1719 Ein man ein burc d’ striten kan
0,1720 Ein bvr̄c ein lant betwinget
0,1721 Daz ez nach hvlden dinget”
0,1722 D’ nagel der st wol bewant
0,1723 D’ isen . ros man vn- daz lant
0,1724 Solicher eren gehvlfen hat
0,1725 Da von sin name so hohe stat
0,1726 Gewalt den wisen an gesieget
0,1727 Swa ma- rehtes niht en phliget
0,1728 Jst nieman witzic ane gvot
0,1729 So en ist d’ armen keiner frvot
0,1730 Man viendet manigen wise- man
0,1731 D’ niht wiser rede kan
0,1732 Hat wise wort ein wiser man
0,1733 Ein tore im niht gestriten kan
0,1734 Sw’ niht wol gereden kan
0,1735 D’ swige vn- si ein wiser man
0,1736 Wol im wart d’ viel geret
0,1737 Vn- weiz er rehte was er seit
0,1738 Mit witze sprechen das ist sin
0,1739 Daz wort cvomt niht wid’ in
0,1740 Jch neme eines wisen ma-nes mvot
0,1741 vvor zweier richer toren gvt
0,1742 Manic tore sprichet wise wort
0,1743 Kvnd er sie bescheiden an ein ort
0,1744 Ein wiser man d’ hat v’ gvt
0,1745 Reif ich in swenn ’ missetvt
0,1746 Vn- tete ich einen toren daz
0,1747 Er were mir iem’me gehaz
0,1748 Daz ist aller toren h’zeleit
0,1749 Sw’ in gvt vn- ere seit
0,1750 Swa die witze wesen sol
0,1751 Da ist si in cleinen lvten wol
0,1752 Vn- midet manigen grozen man
0,1753 D’ witze niht gepflegen kan
0,1754 Salomon witze lerte
0,1755 Marolt daz v’kerte
0,1756 Den sieten habent noch hivte
0,1757 Leid’ genvge livte
0,1758 Salomon hat doch war geseit
0,1759 Div werlt ist gar ein vppecheit
0,1760 Swie grozen schatz d’ tore vant
0,1761 D’ was des wisen sa zehant
0,1762 Die wisen mohten niht genesen
0,1763 Solten s ane toren wesen

0,1764 Die wisen cvrtzewile hant
0,1765 So si mit toren vmb gant
0,1766 Wisheit dicke aleine stat
0,1767 So torheit groze volge hat
0,1768 Doch mvz d' tore svchen rat
0,1769 Ze dem wisen swenne im missegat
0,1770 Der wisen vn- d' tvmben strit
0,1771 hat gewert nv manege zit
0,1772 Er mvoz ovch noch vil lange wern
0,1773 Man mac ir beid' niht enbern
0,1774 Sw' v'diendet d' toren haz
0,1775 Den hant die wisen destе baz
0,1776 Sw' lebet nach d' wisen siete
0,1777 D' v'lvset toren mite
0,1778 Swas an den toren wandels ist
0,1779 Da bezzere- sich die wisen ane vrist
0,1780 wise wort vn- tvmbе werc
0,1781 Die habent die von von govchesberc
0,1782 Bi rede erkenne ich toren
0,1783 Den esel bi den oren
0,1784 D' tore v'hilt dekeine vrist
0,1785 Swaz i- sinen h'zen ist
0,1786 En dikeine sinne vn- toren rat
0,1787 Vil selten lant betwungen hat
0,1788 Wan daz ez nieman reden sol
0,1789 Ein tore viendet den anderen wol
0,1790 Viendet ein tore nivwe site
0,1791 Dem volgent alle toren mite
0,1792 D' tvmbе hat gesellen viel
0,1793 Die wile er tore wesen wil
0,1794 Swenn ' meret witze vn- craft
0,1795 So minret sin geselleschaft
0,1796 So torscher cvmt mir niema- zvo
0,1797 Er n wene daz er daz beste tvo
0,1798 D' tore sere minnet
0,1799 Swas er mit not gewinnet
0,1800 Vn- swas er sanfte mohte han
0,1801 Daz lat er lihte hine gan
0,1802 Sw' dem tore vlehen mvoz
0,1803 Dem wirt niem' sorgen bvoz
0,1804 Sw' al die livte affen wil
0,1805 D' wirt vil lihte ein affenspil
0,1806 Swi v're ich reit od' gie
0,1807 Eine- toren kvnd ich entri-ne- nie
0,1808 Sw' mi d' werlde wil genesen
0,1809 D' mvoz ein wile toren wesen
0,1810 Jch kan wol gavches tore sin
0,1811 Biz ez gat an den schaden min

0,1812 Niem' wirt d' market gvt
0,1813 wan so man toren schden tvot
0,1814 Nieman sol ze lang' zit
0,1815 toren lan vnrehten strit
0,1816 Er wenet and's das er si
0,1817 Wiser danne salomones dri
0,1818 D' toren hor ich harte viel
0,1819 Die iehent: "ich tvn wol swas ich wil"
0,1820 D' ein har niht v'bieten mac
0,1821 Ez en wahse naht vn- tac
0,1822 Die toren sint so here
0,1823 Sie enbietet niema- ere
0,1824 Diz ist ovch der esele pflege
0,1825 Sie entwichent nieman vo- de- wege
0,1826 Swanne ein tore brien hat
0,1827 So n rvchet er wie daz riche stat
0,1828 Ein tore neme des gvocken sanc
0,1829 Vuor d' svzen nahtegalen clanc
0,1830 D' tore svnde niht verbirt
0,1831 Biz er im selbem vnmere wirt
0,1832 Sw' dem toren svnde wert
0,1833 D' hat im die sele ernert
0,1834 Den toren dvnket selten gvt
0,1835 Swas ein wise man getvt
0,1836 Sw' sine tvmpheit vberstrebt
0,1837 D' hat gvoten tac gelebt
0,1838 Dem toren nieman slege wert
0,1839 Wan d' in ovch hin wider bert
0,1840 Ez stritet aller toren mvot
0,1841 Nach dem daz ma- in tvre tvt
0,1842 D' tore niht and's bete
0,1843 D' lobete swas er gete
0,1844 Sw' den toren wolle stillen
0,1845 D' rede nach sinen willen
0,1846 So d' toren wille vur sich gat
0,1847 So tvnt si nivwan missetat
0,1848 D' tore manig' dinge g't
0,1849 D' er mit clagen wirt gew't
0,1850 Sw' in me sacke covfet
0,1851 Vn- sich mit toren rovfet
0,1852 Vn- borget vngewiz er tvt
0,1853 D' singet dikke clageleit
0,1854 E . ich ein tore wolte sin
0,1855 Jch liese rome were si min
0,1856 Manic man hat wisen mvt
0,1857 D' doch vil tvmpliche tvt
0,1858 Mit tvmben tvmp . mit wisen wis
0,1859 Daz was ie d' w'lde pris

0,1860 Er st wise sw' v'liesen claget
 0,1861 Vn- gewinnes stille taget
 0,1862 Rehte witze ist selecheit
 0,1863 Lip . wirt selten ane leit
 0,1864 Cvrtz man demvote
 0,1865 Vn- rot' mit gvote
 0,1866 Vn- langen man wise
 0,1867 D' lop sol man prise
 0,1868 Ez en ist dekein selp me
 0,1869 wan ein' des ich mich v'ste
 0,1870 Jch weiz wol das ein wis' man
 0,1871 wol im selbem gvtes gan
 0,1872 Ich weiz wol das ein milt' man
 0,1873 Genvc ze gebene nie gewan
 0,1874 Gebn tvt den milten bas
 0,1875 Danne v'zihen wizzet daz
 0,1876 Dem milten tvot v'scihen we
 0,1877 Doch schamt sich d' bietende . e .
 0,1878 Die milte niht von h'zen gat
 0,1879 Sw' nach gabe rivwe hat
 0,1880 Die milte niht ze lobe stat
 0,1881 Sw' git da er selbe niht en hat
 0,1882 Milte machet werde lant
 0,1883 Von obeze wirt d' bovm erka-t
 0,1884 Er n wart nie rehte milte
 0,1885 Den milte bevilte
 0,1886 Sw' rehte milte wil began
 0,1887 D' mvz gebrst dvrh milte han
 0,1888 D' arge schatze dienen mvz
 0,1889 Dem wirt ovch niem' sorge bvz
 0,1890 So ist d' milte wol gemvt
 0,1891 Dem dienet schatz vn- and' gvt
 0,1892 Schvole leret milte niht
 0,1893 Grozen hoven alsam geschiht
 0,1894 Die milte ist von tvgende niht
 0,1895 div dvrh vromeden rat geschiht
 0,1896 Dem milten nieman kan gedrovwe-
 0,1897 Si hant hie lop vor gote ir lon
 0,1898 Reine milte nie verdarp
 0,1899 So arge manige schande erwarp
 0,1900 Arge hat dikke erworben
 0,1901 Daz kvnige sint verdorben
 0,1902 Jch sach swas ie d' arge spart
 0,1903 Daz ez dar nach dem milten wart
 0,1904 Den bosen ie ze teile wart
 0,1905 swaz man vor dem frumen spart
 0,1906 D' arge v'stolne . e . driv v'lvr
 0,1907 e . er mit willen eins v'kvr

0,1908 Swie arme- mvt d' arge trvc
0,1909 Er dvchte sich doch milte genvc
0,1910 So d' govch daz erste lovp gesiht
0,1911 So getar er sich s gesaten niht
0,1912 Er vuortet daz ez im zerinne
0,1913 De ist ovch d' argen sinne
0,1914 Vil dikke dem we geschiht
0,1915 d' livte ezzen vng'ne siht
0,1916 Wie mohte im iem' wirst geschehen
0,1917 Er mvz sich selben ezzen sehen
0,1918 Jzzet er de ist im ein not
0,1919 Jzzet er niht so lit er tot
0,1920 Den zeigel vn- den bosen man
0,1921 Nieman volle waschen kan
0,1922 So daz lvter ab in ge .
0,1923 si sint ze ivngest aber als e .
0,1924 Swa d' bose wirt erkant
0,1925 Da svchet man in sa zehant
0,1926 Ein bose man vnsanfte treit
0,1927 Ere vn- grose richeit
0,1928 Swas d' bose boses gesiht
0,1929 Daz seit er vn- des besten niht
0,1930 Swie bosliche ieman hat getan
0,1931 er wil doch sinen bosern han
0,1932 Man m'ket nv daz bose gar
0,1933 Vn- nimt des besten cleine war
0,1934 D' bose daz bose m'ken sol
0,1935 So zimt dem vromen daz beste wol
0,1936 D' bose dikke tvolten mvz
0,1937 Vnwirde vn- swachen grvz
0,1938 Die bosen ezzen vngetwagen
0,1939 Si solten ir last' nieman sagen
0,1940 D' bose selbe wol verstat ..
0,1941 Daz er niht ganzer tvgende hat
0,1942 Het er danne ere vn- gvt
0,1943 Als im erteilet sin selbes mvt
0,1944 So were sin ere cleine
0,1945 vn- er hete ze ivngest dekeine
0,1946 Ein boser man me eren g't
0,1947 Dann er sich selben dvnke wert
0,1948 Sw' d' vromen hvlde hat
0,1949 D' tvt d' bosen lihte rat
0,1950 Den vromen man iem' loben sol
0,1951 So tvt er destе g'ner wol
0,1952 Dem bosen nieman sol v'trage-
0,1953 Man sol in wol ir last' sagen
0,1954 Die bosen nieman niden sol
0,1955 Den vromen gan ich nides wol

0,1956 Sw' den vromen vbele hat
 0,1957 den bosen wol de ist missetat
 0,1958 Als ein vrom man wol getvot
 0,1959 Der st selic hat ez div w'lt v' gvt
 0,1960 Als ein vrom man missetvt
 0,1961 So erschreckent im al sine gelit
 0,1962 Ein ieslich vrom man midet wol
 0,1963 Swas er ze rechte miden sol
 0,1964 Daz ein swach gemvot' man
 0,1965 Niem' wol v'miden kan
 0,1966 D' bose niem' sol v'stan
 0,1967 wie sich d' vrome mvoz began
 0,1968 Ze vrvnt ich baz behalten kan
 0,1969 Zwelf vrome danne ein bosen ma-
 0,1970 W' mac die besten vz gelesen
 0,1971 wande nieman d' wil bose wesen
 0,1972 Sw' gitecheit vn- arge hat
 0,1973 de ist grvntveste aller missetat
 0,1974 Dem argen h'zeleit geschiht
 0,1975 So er gebn mvoz . od' gebn siht
 0,1976 So ist dez milten herzeleit
 0,1977 Swenn ' ieman iht v'seit
 0,1978 Gerne were mennegelich
 0,1979 Jn sinem lebene eren rich
 0,1980 Ein man vmb ere w'ben sol
 0,1981 Swenn er wil die lat er wol
 0,1982 Ob er gewinnet lasters viel
 0,1983 Daz en lat er niht swe-n er wil
 0,1984 Sw' gvt vn- ere wolle han
 0,1985 D' sol sin gvt niht lan zergan
 0,1986 Sw' ane rivwe welle lebn
 0,1987 D' sol sin ere nieman gebn
 0,1988 Sw' tvgende vn- ere wolle han
 0,1989 D' mvoz sin eigene sinne han
 0,1990 Sin ere selten wenket
 0,1991 Sw' sich in zit bedenket
 0,1992 Vnv'dahte mere
 0,1993 sint dicke wandelbere
 0,1994 Mit senfte niema- ere hat
 0,1995 Als nv div werlt stat
 0,1996 Niema- hat ane arbeit
 0,1997 Wistv- . ere . grozse richeit
 0,1998 D' vule g't niht mere
 0,1999 wan senfte lebn ane ere
 0,2000 Wie sol des lasters w'den rat
 0,2001 D' sin ere ze lastere hat
 0,2002 Von rehte des ma-nes ere stat
 0,2003 Dar nach als er Sich selben hat

- 0,2004 Ez vorschent genvoge mere
 0,2005 Nach schanden dan nach ere
 0,2006 Mich mvowet daz maneg' ere- g't
 0,2007 Vnv'dienet vn- ane wert
 0,2008 Sw' eren sich bewegen hat
 0,2009 Des lobes tvn ich lihten rat
 0,2010 Swen man nv vurhtet d' ist w't
 0,2011 D' eren nieman gyter gert
 0,2012 Ere vn- alle wirdecheit
 0,2013 Sint ane volleist hin gleit
 0,2014 Ros . schilt . sper . hvbe . vn- swert .
 0,2015 Machent gyten ritt' wert
 0,2016 Mit vnstaten ere
 0,2017 Mvwet die wisen sere
 0,2018 Sw' ere niht vbersehen wil
 0,2019 d' hat iem' sorgen vil
 0,2020 Ere mac nieman geenden
 0,2021 Geb er mit tvsent henden
 0,2022 Ein man sol lop . vn- ere beiagen
 0,2023 Vn- doch got i- sinem h'zen habn
 0,2024 Nieman s0 vil eren hat
 0,2025 J ne wizze wol wann ' sie lat
 0,2026 Trvnkenheit ist selten gyt
 0,2027 Si tobet vn- velschet wisen mvot
 0,2028 Si ist ein rovb d' tvgende gar
 0,2029 Si ist totes bilde nemet ez war
 0,2030 Swa trvnkene livte od' tobe-de si-t
 0,2031 Sw' die niht vurhtet d' ist ein kint
 0,2032 Trvnkenheit ist selten vri
 0,2033 Da en si svnde . schande . schade bi
 0,2034 Sorge zorn trvnkenheit
 0,2035 Tvnt den sichen dicke leit
 0,2036 So d' win comet i- daz hovbet
 0,2037 So ist ez armvot berovbet
 0,2038 Sw' sine svnde weinen mac
 0,2039 So er trvnken wirt de ist weines slac
 0,2040 Dem solt er ze allen stvnden
 0,2041 D' becher sin an dem mvnde
 0,2042 Ein vihe daz lvtzel sinnes hat
 0,2043 Swanne ez ze dorf von velde gat
 0,2044 So erkennet iegeliches wol
 0,2045 hvs . vn- hof dar ez comen sol
 0,2046 So trinket leid' manic man
 0,2047 Daz er hvs noch hof gesvchen kan
 0,2048 Daz last' livten vil geschiht
 0,2049 Vn- geschiht doch dem vihe niht
 0,2050 Ez trinkent tvsent . e . den tot
 0,2051 Dan einer st'be in dvrstes not

0,2052 Mete vn- vvin sin beide gvt
 0,2053 Vur sorge dvrst vn- armvot
 0,2054 Vur dvrst mac niht bezzer sin
 0,2055 Danne wazzer . bier . mete . od' win
 0,2056 ovch ist gvt vur hvng's not
 0,2057 Vische . vleisch . kese . vn- brot .
 0,2058 Sw' die zesamene bingen mac
 0,2059 D' gewinnet manigen gyten tac
 0,2060 Horet iht dinges me dar zvo .
 0,2061 Daz ist wol das man das tvo .
 0,2062 Min vrvnt ist nvotzer nah' bi
 0,2063 Dan hin dan verre dri
 0,2064 Gemachet vrvnt ze not bestat
 0,2065 Da lihte ein man den and'n lat
 0,2066 Gewisse vrvnt v'svchte swert
 0,2067 Die sint ze note goldes wert
 0,2068 Vrivnde han ich iem' vil
 0,2069 Biz ich ir niht bedorfen wil
 0,2070 ein schade vrvnt vil dicke mvoz
 0,2071 Tvlten vngetrivwen grvz
 0,2072 Die wile die sekele clingent
 0,2073 Die vrvnt dar g'ne tringent
 0,2074 Verlivset d' bvtel daz clingen
 0,2075 So wirt dar cleine dringen
 0,2076 Manic man vil vrvnde hat
 0,2077 Die wile im sin dinc ebene gat
 0,2078 Vn- hat doch vnder in allen
 0,2079 vil lvtzel dekein not bestanden
 0,2080 Niema- weiz wo er vrvnde hat
 0,2081 Wan swo ez an lip . gvot vn- ere gat
 0,2082 Da wirt d' rehte vrvnt erkant
 0,2083 D' valsche vrvnt wenket da zeha-t
 0,2084 Swie vremede ein vrvnt de- and'n si
 0,2085 Da sol doch trivwe wesen bi
 0,2086 D' mir ze trivwen w'de erkant
 0,2087 Den min ich vber s vierde lant
 0,2088 Sw' vrvndes valsch mit valsche seit
 0,2089 Daz wirt im dar nach lihte leit
 0,2090 Sw' an vrvnden missetvot
 0,2091 Ze lang' wile daz ist niht gvot
 0,2092 Er ist tvmp sw' trivwe svchet
 0,2093 Da man ir cleine rvchet
 0,2094 Sw' sich habet an den dorn
 0,2095 So d' vallet d' hat zwirt v'lorn
 0,2096 Sw' vngetrivwen vrvnde- claget
 0,2097 sin leit daz were baz v'claget
 0,2098 swo gvt ein vrvnt dem and'n git
 0,2099 Da hebt sich vrvntschaft wid' strit

0,2100 Swo ein vrvnt den and'n lat
0,2101 Kvmt er dar ze ofte ich wen es schadet
0,2102 Man mac mit lihten sinnen
0,2103 Manigen vrvnt gewinnen
0,2104 Ovch mvoz er sin ein wise man
0,2105 D' gvote vrvnt behalten kan
0,2106 D' man ist vnd' vrvnden ein gast
0,2107 Dem heime leides nie gebrast .
0,2108 Dem selde vn- ere wirt beschert
0,2109 D' ist ovch heime swar er vert
0,2110 Jch wil mir selbem hold' sin
0,2111 Danne minen besten vrvnde- drin
0,2112 D' vrvnt wirdet niem' gvt
0,2113 D' lobet swaz sin vrvnt getvt
0,2114 Noch bezzer ist d' bosen haz
0,2115 Danne ir vrvntschaft wizzet daz
0,2116 So vrvnt vo- vrvnde scheiden wil
0,2117 D' svchet vf in schvlde viel
0,2118 Swa vrvnt mit rede wirt v'lorn
0,2119 Da were rede baz v'born
0,2120 D' riche vrvnt sol nemen v' gvt
0,2121 Den dienst den im d' arme tvot
0,2122 Der lewe vuorhtet des ma-nes niht
0,2123 Wa- so er n horet vn- i- niht en siht
0,2124 Vorhte machet lewen zam
0,2125 Eren beseme daz ist scham
0,2126 D' lewe niem' sol getagen
0,2127 wolle-t in die hasen iagen
0,2128 Die lewen tot ir kint gebirt
0,2129 Vo- sines vat' galme es lebende wirt
0,2130 Wid' ir nature vn- ir art
0,2131 Minnet d' lewe vn- der part
0,2132 Von ir zweier hvres arte
0,2133 Wart vo- erst d' lebarte
0,2134 Doch zivhet nv d' lebart
0,2135 kint von sin selbes art
0,2136 Als edel si abr niht en sint
0,2137 So d' lewen vn- d' parden kint
0,2138 Nie tyr so snellez wart
0,2139 Ane vliegen so d' part
0,2140 Ysidorus d'wise seit
0,2141 Von des pardes snelheit
0,2142 daz er viel ofte spri-ge sich
0,2143 Ze tot daz ist wnderlich
0,2144 Wolue zimt niht schafes wat
0,2145 wand ' niht kvsches h'zen hat
0,2146 Swa d' wolf ze hirte wirt
0,2147 Da mit sint die schaf v'irret

0,2148 Sw' wolve nimt ze ratgeben
 0,2149 Das gat den schafen an das lebn
 0,2150 Swa d' wolf gerihtes pflege
 0,2151 Da gen die lemb' von den wege
 0,2152 Da woß den schaffen vride giht
 0,2153 Da mac wol sin ein heilege zit
 0,2154 Swie dicke ein wolf gemvnechet wirt
 0,2155 Die schaf er dr vmbe niht v'birt
 0,2156 Swa der boc den wolf bestat
 0,2157 Da weiz ich wol wer z boser hat
 0,2158 Swo ich weiz des wolves zan
 0,2159 Da wil ich hvten miner hant
 0,2160 Daz er mich niht verwnde
 0,2161 Sin bief swert von grvnde
 0,2162 Swie man vert den hvnden mite
 0,2163 Sie hant doch iem' hvndes siet
 0,2164 ein rindes schenkel neme ein hvnt
 0,2165 vur rotes goldes tvsent pfvnt
 0,2166 Gienge ein hvnt tages tvse-t stvnt
 0,2167 Ze kirchen er were doch ein hvnt
 0,2168 Man sol strichen varen hvnt
 0,2169 Daz er iht grine ze aller stvnt
 0,2170 Manic hvnt wol gebaret
 0,2171 D' doch d' livte varet
 0,2172 D' hvnt d' mac des hovbes niht
 0,2173 Vn- grinet doch so er s ezzen siht
 0,2174 Bi hvnden vn- bi katzen
 0,2175 Was ie bizen vn- cratzen
 0,2176 D' hvnt hat led' gezen
 0,2177 So ma- dienstes wil v'geszen
 0,2178 Als sich d' vuhs mvsens schamt
 0,2179 So het er g'ne ein hoh' amt
 0,2180 Sw' den vuhsen mvsen wert
 0,2181 D' hat in spise gar v'hert
 0,2182 D' vuhse mvste minre sin
 0,2183 Weren die zegele gvldin
 0,2184 Swie d' vuhs si ein schalc
 0,2185 Jn v'ratet kele vn- balc
 0,2186 Sw' vuhs mit vuhse vahan sol
 0,2187 D' mvz ir stige erkenne- wol
 0,2188 D bib' mvz vil hohe gebn
 0,2189 Sine geilen vur sin lebn
 0,2190 Sw' sich cratzet mit den bern
 0,2191 Dem mvz sin hant vil dicke sw'n
 0,2192 Dez b'n zorniger mvot
 0,2193 Jm selben dicke schaden tvot
 0,2194 Hat ein ohse rindes site
 0,2195 da en ist niht grozzes wnders mite

0,2196 Cvm̃t ein ohse in vromede lant
 0,2197 Er wirt doch vuor ein rint erkant
 0,2198 D' ohse kvmb'liche lebt
 0,2199 Die wile er wid' dem garten strebt
 0,2200 Swo d' ohse crone treit
 0,2201 Da hant die kelber w'decheit
 0,2202 Sw' lobet des snecken springen
 0,2203 vn- des ohsen singen
 0,2204 d' qua- nie da d' lebarte spranc
 0,2205 Vn- da div nahtegale sanc
 0,2206 D' ohse dem esele streit
 0,2207 Vmb vuoge vn- vmb hovescheit
 0,2208 Sw' dem and'n da v'trvc
 0,2209 D' was doch vngewege genvoc
 0,2210 Swa man den esel cronet
 0,2211 Da ist daz lant gehonet
 0,2212 Wirt iem' esel reise
 0,2213 Daz ist d' distele freise
 0,2214 D' esel gvrret vf den wan
 0,2215 Er wenet wol gesvngen han
 0,2216 Esels stimme vn- govhces sanc
 0,2217 Erkenn ich an ir beid' danc
 0,2218 D' esel sleht vn- viht
 0,2219 Swa er den wolf von v're siht
 0,2220 De ist wnder das er stille stat
 0,2221 Swenn es im an sin lebn gat
 0,2222 D' esel cleine vorhte hat
 0,2223 Z ez lewen creize swa d' gat
 0,2224 Daz en tṽt er niht dvrh karge- list
 0,2225 Wan das er also narrest ist
 0,2226 Swa ein esel den and'n siht
 0,2227 Vallen dar en kvmt er niht
 0,2228 Nv seht de ist ein tṽmbes dir
 0,2229 Vn- ist doch wiser danne wir
 0,2230 Manig' wolte gerne sin
 0,2231 Ein esel vnde ein eselin
 0,2232 Daz man seite mere
 0,2233 Wie wnderlich er were
 0,2234 Svnd' gallen ist daz reh
 0,2235 Ane nit ist lvtzel tiere me
 0,2236 Eins varhes stimme ist grvelich
 0,2237 Horet er den lewen er birget sich
 0,2238 Div mvz hat bose hohgezit
 0,2239 Die wile sie in d' vallen lit
 0,2240 Ez hat selten wise mvz
 0,2241 Den vuhs gebeten hin ze hvos
 0,2242 Die mvs zivhet vng'ne kint
 0,2243 Swa sie weiz da catzen sint

0,2244 Man siht selten riche hvs
 0,2245 ane dip . vn- ane mvs
 0,2246 Swa ivng' mvse lovfet viel
 0,2247 Da hebt die katze g'ne ir spil
 0,2248 Die frosche tvnt in selben schade-
 0,2249 Welle-t sie de- storc ze hvse lade-
 0,2250 Die wisen kvnnen wol verstan
 0,2251 Was ich tore gesprochen han
 0,2252 Die vrosche welte-t ein vovgt
 0,2253 D' si dikke notzoget
 0,2254 Dvrhc ir ebenhere
 0,2255 Gaben si alle ir ere
 0,2256 Dem storke d' sie hvte hat
 0,2257 vn- d' si ovch niem' verlat
 0,2258 D' crebs gat alles hind' sich
 0,2259 Mit vesen vil de ist wnd'lich
 0,2260 D' esel vn- die nahtegal
 0,2261 Singent vngelichen schal
 0,2262 Die nahtegal dikke mvwet
 0,2263 Swa ein esel od' ein ohse lwet
 0,2264 Jch neme d' nahtegalen sanc
 0,2265 Vur d' svzen harphen clanc
 0,2266 D' phawe diebe sliche hat
 0,2267 Tivvels stimme vn- engels wat
 0,2268 Sich badet die cra i- allen vliz
 0,2269 Vn- wirt dvrh das doch niem' wiz
 0,2270 Dez rappen stimme ich vliche- wil
 0,2271 Sin atem totet ved'spil
 0,2272 Die gire vliegnt g'ne dar
 0,2273 Da sie des ases werdent gewar
 0,2274 Ein ageleist' sprach des ist lanc
 0,2275 Z er tvben "leret mich ivw'n ganc"
 0,2276 Die tvbe sprach: "ich lere ivch wol ga-
 0,2277 Moget ir die alten bicke lan"
 0,2278 Sie gienge nach od' vor
 0,2279 Si bichte ie bedentalp i- daz hor
 0,2280 Sw' schalkeit lernet i- d' ivgent
 0,2281 D' hat vil selten stete tvgent
 0,2282 Karadius ein vogel ist
 0,2283 Des sinne gant vuor me-schen list
 0,2284 Swelhen sichen er gesiht
 0,2285 Dem wirret harte schiere niht
 0,2286 Swelch sieche niht genesen kan
 0,2287 Den gesiht er niemer an
 0,2288 Des govches sanc ist nierge- w't
 0,2289 Wan da ma- bezzers niht en g't
 0,2290 Swas man den govch geleret
 0,2291 Sinen sanc er niht v'keret

0,2292 Dem govche spreche- wir "ein govch"
 0,2293 Nv horet sine schalkeit ovch
 0,2294 Die man hat von im geseit
 0,2295 Swa die grazemvcke eier leit
 0,2296 Vn- des d' gvcke wirt gewar
 0,2297 Er gizzet ir . ir eier gar
 0,2298 Vn- birget er die eier sin
 0,2299 D' torinne i- ir nestelin
 0,2300 D' lat er si im da hvoten
 0,2301 Vn- ane sine helfe vs brvten
 0,2302 Diz bispiel vF den menschen gat
 0,2303 D' keine witze ze eren hat
 0,2304 Vn- aber ze boser kvndecheit
 0,2305 Jm al die sinne sint bereit
 0,2306 D' gvcke d' ist ein schone vogel
 0,2307 Vnde ist bose vn- dar zv gogel
 0,2308 Die rephvenre einand' stelnt
 0,2309 Jr eier daz sie sere helnt
 0,2310 Vn- brvetent si vz als iriv kint
 0,2311 Als si ze vogelen wrden sint
 0,2312 So nement si ir rehten mvtt' war
 0,2313 Swa sie die horent vn- vliege-t dar
 0,2314 Si lant ir stifmvet' vri
 0,2315 Vn- sint ir rehten mvtt' bi
 0,2316 Als stilt d' tivvel manige- man
 0,2317 Von sin' mvtt' swie er kan
 0,2318 Die mvtt' ist die cristenheit
 0,2319 Div nieman trost noch gnade v'seit
 0,2320 Die mvtt' manigen leret
 0,2321 Daz er von svnden keret
 0,2322 So d' tivvel ist wol betrogen
 0,2323 So ist sin rephvn hin gevlogen
 0,2324 Mit sin' ovgen schine d' strvz
 0,2325 Brvtet sine eier vz
 0,2326 Ein vogel heizet pellicanus
 0,2327 D' zivhet sine ivngen svz
 0,2328 Sin herzeblvt er in git
 0,2329 Ez sint vns er tot gelit
 0,2330 Der selbe vogel gelichet ist
 0,2331 Vf den genedigen crist
 0,2332 D' ovch den bitteren tot leit
 0,2333 Dvrch sine kint die cristenheit
 0,2334 So stolzen mvt niema- getrv
 0,2335 Er n hete an einem wibe gnvc
 0,2336 So wil ez d' hane bezzer han
 0,2337 Dem sint ovch zwelf hennen vnd'tan
 0,2338 Doch wart sin ere nie so groz
 0,2339 Het er einen andern hvsgenoz

0,2340 Mic dvnket er si ylen slaht
0,2341 Sw' vur den tac nimt die naht
0,2342 Ez ist den vogeln groz gebrest
0,2343 Alle iar ein nivwes nest
0,2344 Die vliege ist wirt d' svm' heiz
0,2345 D' kvneste vogel den ich weiz
0,2346 Vliegen . vlohe des tivvels nit
0,2347 Mvwent die lvte ze aller zit
0,2348 Dem lewen wolt ich vride gebn
0,2349 Liezen mich die mvcken lebn
0,2350 D' bremen hohgezit zergat
0,2351 So d' ovgest ende hat
0,2352 Die kevern vliegent vnv'daht
0,2353 des vellet maniger in ein baht
0,2354 D' kever sich selbe trvget
0,2355 Swann er ze hohe vlvget
0,2356 Ein abel ist bezzer vf den disch
0,2357 Danne i- dem mage ein michel visch
0,2358 Sw' slangen hecken leret
0,2359 Von rehte er in v'seret
0,2360 Von rehte ez vf in selben gat
0,2361 Sw' dem andern ratet valschen rat
0,2362 Swem gehes boten not geschiht
0,2363 d' bedarf des snecken niht
0,2364 D' snecke vn- ovch d' regenwrm
0,2365 die hebent selten grozen sturm